

# MOYENS DE

NVLLITE' QUE PRO-

posent les Doyen & Chanoines  
de l'Eglise Metropolitaine  
de Roüen.

8

I. H. H.

CONTRE

=

Les pretendus Statuts a eux enuoyez  
par Monseigneur le Reuerendissi-  
me Cardinal de Ioyeuse, Ar-  
cheuesque dudit lieu.

*Où il est Traicté de l'auctorité  
des Chapitres.*

A Monseigneur de Sillery Chan-  
celier de France.

41. *Ex Libris sanctæ Genovesæ parisi*



1753

M. DC. X.



MAYENS DE

MAILLITE OVE PRO

potentel Doctor & C. in  
de l'eglise Metropolitaine  
de l'eglise

COVTRA

les personnes & leurs a eux conveys  
par Monsieur le R. e. v. e. n. d. i. s. s. e.  
le Cardinal de Joyeuse, Ar.  
chevesque dudit lieu.

le 12 de l'An 1562 de l'An 1562

de l'An 1562

et Monsieur de l'An 1562 de l'An 1562  
de l'An 1562 de l'An 1562



AN. DC. X.



A MONSEIGNEVR DE  
Sillery Chancelier de France.

MONSEIGNEVR,

**M***Si l'Escriture Sainte donne Conseil de ne playder contre vn plus puissant que soy, que deuiendrons nous? Nostre partie est vn Prelat, puissant en biens & en moyens, grand en credit & autorité. Le plus ancien Cardinal & Archeuesque, bien merité du public, vtile en ses legations, l'un des principaux de cet Auguste Conseil priné, ou il nous a tirez, & qui n'est pas peu de chose, bien chery & aymé du Prince. Car comme dit le poëte,*

*Ce n'est pas vn petit honneur,  
D'auoir des Princes la faueur,  
Mais a tout cet auantage & par dessus nous*



opposons vostre equité, Monseigneur, & de  
Nosseigneurs du Conseil, qui estes nourris  
en la crainte & versez en la Loy de Dieu.  
Laquelle defend aux Magistrats, de n'auoir  
esgard en iugeant, ni au grand, ni au petit, ni  
au riche, ni au pauvre, ni au fort, ni au foible:  
sur peine d'estre censurez par ce grand iuge  
souverain qui n'a acception de personne. Cer-  
tes nous dirons hardiment de vous, ce que ce  
grand Orateur Romain disoit de ses Iuges:  
aut apud vos valere debet veritas, aut  
ex hoc loco repulsa, locum vbi con-  
sistat, reperire non poterit. Nous atten-  
dions de Monseigneur nostre Archeuesque,  
que comme il porte qualité de protecteur des  
Saints decrets, aussi useroit il des voyes de  
proce der prescrites par iceux. Sçauoir est, en  
cas de different entre l'Euësqe & son cler-  
gé, de prendre des Arbitres comme nous l'en  
auions prié: afin que le tout se passast douce-  
ment, & sine vlllo strepitu forensi: ou  
bien auoir recours aux superieurs en l'Eglise,



Et non ailleurs, sans empescher ce celebre conseil ou vous auez l'honneur de presider, qui n'est principalement destiné que pource qui concerne le general du Royaume. Toutesfois nostre cause est accompagnée de tant de raison & de iustice, que nous ne craignons la disputer deuant tout iuge : comme nous ferons deuant vous, si tant est que vous en preniez connoissance, & nous daigniez ouyr patiemment en nos iustes defenses. Lesquelles si nous negligions & abandonnions, nous serions grandement blasmez des autres Eglises, qui courent mesme fortune que nous, & accusez de ceux qui nous succederont, d'auoir esté deserteurs de nostre deuoir & de la verité. Que si vn prelat peut remuer & changer toutes coustumes & ceremonies, sans en parler ny communiquer a son Senat, son conseil establi de Dieu, nous auons tort. Si vn Euesque peut statuer, ordonner, couper, tailler a son plaisir, sans l'aduis & consentement de son Chapitre, nous auons tort, S'il ne le peut, com-

me nous le monstrerons clairement, nostre cause est a couuert & playde elle mesme sans aduocat. L'Innocence est eloquence, dit Apulee. Quelques vns trouueront paraenture mauvais, que nous ayons diuulgué ces defenses. Mais nous les supplions & coniurons de croire, que nous y auons esté forcez. Par ce que les statuts dont il s'agist, ont esté cy deuant publiez & enuoyez, nous ne sçauons par qui ny comment, par toute ceste prouince & principalement partoutes les compagnies de cette ville. Lesquels pour estre couuerts de beaux pretextes, & neantmoins esloignez de verité pour la pluspart, comme nous esperons verifier, ont grandement diffamé l'honneur de cette Eglise, qui emporte reputation d'estre des mieux reglees du Royaume. Et cependant les Chanoines de Reuen ont esté iusques icy & sont encores, condamnez sans estre ouys. Estant donc poursuyuis & attaquez instamment, en cette action autant hors de saison que de raison, nous ne pouuõs moins



*faire, que de nous tenir sur la defensue, avec la moderation toutesfois, du respect et de l'honneur que nous deuons a vn si grand et signalé prelat. Nous penserions pecher contre le bien public, si nous empeschions d'auantage vos plus serieuses occupations. Seulement nous prierons Dieu,*

Monseigneur, vous conseruer à la France, en ceste grande & pesante charge, en fort longues & heureuses années.

Vostres-deuots & tres-affectionnez Orateurs, les Doyen & Chanoines de l'Eglise Metropolitaine de Roüen.

Du commandement **DAVESNE**  
de mesdicts Sieurs.      Secret.







N dit communément, qu'il n'y a  
 regle si generale, qui n'emporte  
 son exception : aussi n'y a-il Loy,  
 ny Ordonnance si ample & vni-  
 uerselle, qui ne puisse auoir son priuilege &  
 exemption. Car le Legislatteur, comme dit  
 Aristote, en l'establissement de sa loy, ne  
 considere que ce qui bute au general de son  
 estat, & non les cas particuliers, qui se trou-  
 uent en si grand nombre, qu'ils ne peuuent  
 estre compris en la loy, autrement d'une loy  
 il en faudroit faire vn volume, & seroit con-  
 tre son naturel, qui est d'estre courte & bres-  
 ue. *Lex sit brevis, inbeat non disputet*, disoit Sene-  
 que. Et combien que le priuilege & exem-  
 ption, qui sont bastis sur ces faits particu-  
 liers, soient contraires à la Loy, si ne sont-ils  
 contre l'intention du legislatteur. Saint Tho-  
 mas apporte vn exemple familier. Vn Gou-  
 uerneur de ville fait vne ordonnance en tēps  
 de guerre, par laquelle il defend aux por-  
 tiers sur peine de la vie, d'ouurir les portes  
 de nuit. Or le portier vient à recognoistre

qu'en des Citoyens est dehors la porte, pour fuir de l'ennemy, qui crie que on luy ouvre, ou autrement c'est fait de luy. Que fera le portier? S'il a le loysir il demandera au Gouverneur l'interpretation de son ordonnance, lequel luy respondra, que cest accident n'est compris sous icelle, non plus que les autres semblables: que combien qu'il soit contre la substance de la loy, il n'est toutesfois contre son intention, qui est posé Gouverneur non seulement pour le general de la ville: mais aussi pour chacun particulier: qu'il ayme mieux, suyuant le dire de Scipion l'Africain, sauuer vn Citoyen que de faire mourir mille ennemis. Tellement que de ceste loy on tirera vn priuilege, pour les citoyens, qui estans hors la ville seroient pourfuyuis de l'ennemy.

Il faut dire de mesme des exemptions & priuileges, qui ont esté pratiquez contre le droit commun des Euesques, qui est que tous ceux de leurs diocceses seront subiets à leurs iurisdiccions. Et bien que telles exemptions soient contre le droit commun, elles ne sont toutesfois contre l'intention de l'Eglise ou du Souuerain en icelle, qui a establi le droit commun. Mais ils ne doyuent estre octroyez que pour bonnes considerations.



C'est pourquoy il estoit deffendu aux loix des douze tables de n'en donner qu'aux plus grandes assemblees qui se faisoient à Rome. *Privilegia non nisi centuriatis comitiis irroganto.* Or les Monasteres ont esté les premiers qui ont iouy de ceste exemption.

Saint Gregoire le grand, fut le premier qui en donna aux moynes d'Italie, & ce pour trois raisons.

La premiere fut le mauuais traitement qu'ils receuoient des Euesques. Comme ce saint Pere l'auoit experimenté estant encores au monastere. Tellement qu'ils manioiēt les biens des Abbayes à leur plaisir & volonté.

L'autre que pour paruenir à leurs mauuais desseins, ils donnoient des Abbez aux Religieux, à leur poste & deuotion. Saint Gregoire les exempta pour ces raisons, & ordonna qu'à l'aduenir les Abbez seroient prins de leurs Conuens, s'il s'y en trouuoit de capables, sinon qu'ils en prendroient d'ailleurs. Faisant deffences aux Euesques de ne plus disposer des biens desdites Abbayes.

La troisieme raison qui est commune à tous exempts, fut afin qu'ils seruissent Dieu, avec plus de loisir & tranquillité.

Le premier Monastere exempt en Fran-

ce, fut celtuy de saint Medard de Soissons par le mesme Saint Gregoire en l'an 593. à la priere & requeste des Roys de France, comme il se voit amplement en ses oeuvres v'sant de ces termes, *Nullius dirioni patimur subesse.*

En l'an 662. l'Abbaye de saint Denis en France, fut retranchee de la iurisdiction de l'Euesque de Paris Landry, par son cōsentemēt, au Concile tenu à Clippy, maintenāt dit S. Ouyn prez Paris, où assisterent saint Ouen Archeuesque de Rouen, Rado son frere, saint Eloy, & plusieurs autres Prelats de France, & ce à la poursuite de Clouis second, fils de Dagobert.

En l'an 676. l'Abbaye saint Martin de Tours, fut aussi exempte par le Pape-Dieu donné qui ordonna qu'elle ne recognoistroit aucun Euesque, si ce n'estoit pour la susception des saints Ordres, & la confection du saint Chresme.

En somme toutes les Religions presque instituees depuis cinq cens ans, ont eu semblables priuileges: comme les Chartreux, les Benardins, les Mendiens, les Minimes, les Iesuites & autres.

Bien vray est que plusieurs grands & sçauans personnages, crierent de leurs temps contre telles exemptions. Comme Yues de



Chartres, qui se cholere en l'epistre 58 contre l'Abbé de Lagny qui s'estoit emancipé de la puissance de l'Euesque de Paris. Saint Bernard s'en plaint aussi, comme fit saint François. Toutesfois la corruption des siecles suyans qui se trouua en la promotion aux prelatures a fait cognoistre que tout auoit esté fait pour le mieux, & que Dieu par sa prouidence ne permet iamais vn mal, qu'il n'enuoye le remede quant & quant.

Quant aux Chapitres des Eglises Cathedrales, ils ont esté exempts des derniers, & long temps apres les Monasteres pour auoir esté plus fermement vnis avec leurs Euesques, & pour s'estre tousiours deffendus contre iceux, quand ils les ont voulu mal traiter.

Il y a deux principales raisons qui ont causé tels priuileges.

L'une que les Euesques deuindrent pour la plus part courtisans, *sæpiusq; versabantur in aulis Regum, quam in caulis ortuum.* Toutestois on n'a iamais blasmé qu'ils allassent quelquesfois en Cour pour les affaires du Clergé en general, ou pour le particulier de leur Eglise, & pour dire la verité aux Princes, suiuant l'instruction que leur en donne Dauid a son exemple quand il dit, *Et loquebar de testimoniis tuis in*



*conſpectu Regum & non confundebat.* Comme firent de leur temps ſaint Lambert, & ſaint Leger aux Roys Childeric, & Pepin, dont ils furent martyrs au temps plus calme del'Egliſe.

Pierre de Blois Archediacre de Londres, & Chanoine de Rouen, qui viuoit il y a quatre cens ans & plus, en ſon epiſtre 84. qu'il adreſſe au Pape Alexandre 3. excuſe vers luy les Eueſques d'Angleterre, deſquels il ſe plaignoit qu'ils eſtoient tous deuenus courtiſans, *Vnum noueritis* (dit-il) *quod niſi familiares & conſiliarij Regis eſſent præſati Episcopi, ſupra dorſum eccleſiæ fabricarent peccatores & immaniter & intolerabiliter opprimeret clerum præſumptio laicalis. Iſtis mediocritatibus manſueſcit circa ſimplices ordinarius rigor, admittitur clamor pauperum, eccleſiarum dignitas erigitur, releuatur pauperum indigentia, firmatur in clero libertas, pax in populis, in monaſterijs quies, iuſtitia libere exercetur, ſuperbia deprimatur, augetur laicorum deuotio, diriguntur iudicia: leges acceptantur, decreta Romana vim obtinent, & poſſeſſiones Eccleſiæ dilatantur.* Voila de fort belles & valables excuſes pour les Prelats de merite, mais ceux qui ſuiuoient la Court pour leur plaiſir, ou profit, ſans auoir peu ou point de ſoin de l'Egliſe, ſaint Ambroise conteſte que les Roys & les Empereurs meriteroient plus de les chaſſer que de les retenir pres d'eux, voycy les paroles de ce ſaint docteur, *ſælicius perſequuntur imperatores & episcopus quam diligant.* C'eſt au

sermon funebre de Theodose le grand. Et Saint Bernard se plaint de quelques vns qui trahissoient la cause de l'Eglise, disant: *Hec boni Iesu, facti sunt in oppugnatione primi, qui in defensione primi esse deberent.* Nous ne parlons point de ce temps, ou on peut remarquer grand nombre de Prelats suyuant la Court, affectionnez au bien du Clergé, & entre autres Monseigneur le Cardinal nostre Archeuesque.

La seconde cause des exemptions capitulaires a esté l'introduction des commandes au Royaumé de France. Car depuis qu'elles ont esté en vogue, les Euesques qui n'estoyent que chefs d'un Chapitre & d'une Eglise, sont venus à influer sur deux ou trois Abbayes comme sur plusieurs corps, tellement que l'affection qu'ils portoyent à leurs chapitres, s'est alentie, refroidie, & grandement diminuée. Dont s'en est ensuiuy la non residence, autre cause du mal. Et comme pour leur absence, ils laissoient des Officiers qui n'auoyent n'y assez de prudence n'y d'experience, & moins de charité pour dresser ces corps venans à faillir, ils ont commencé à proiecter & minuter ces priuileges & exemptions.

Quelques vns ont remarqué, que lors que pullulerent ces commandes, non seulement



la discipline de l'Eglise se lacha de beaucoup, mais aussi l'affection, & l'obseruance singuliere qu'auoyent porté les François au saint Siege, diminua fort. Et a ce propos, *Papiensis* escriit que lors que Paul 2. fut esleu Pape, comme quelque Euesque François demandoit vne dispense de tenir vne riche Abbaye avec son Euesché, le Cardinal du port se leua en plain consistoire, & dist tout haut. Tres-saint Pere, ie crains grandement que dans peu de temps, nous entendions que toutes les Abbayes de France, seront tenus en commande, & n'y en aura vne seule qui ait son Abbé Titulaire. Puis il adiouta ce qui s'ensuit, comme vne prophetie: *Surget nobis non expectantibus aliquando regnum illud in nos, ferre non valens inutile nostrum ministerium & grande negotium sed tuæ exhibebit.* Cela fut recogneu veritable par le Pape, qui trouua de conte fait, que depuis le pontificat de Calixte 3. qui estoit peu de temps, on auoit expedié plus de cinq cens Abbayes en commande.

A ceste seconde cause, on en peut adiouter vne troisiéme, comme appendice, que les Euesques deuenoient Cardinaux, ou les Cardinaux deuenoient Euesques, qui faisoit perdre l'esperance aux chapitres de les voir peu ou point. Il se trouue dans les archives de ceste



deceste Eglise l'an 1422. comme Iean de la Rochetaillade Cardinal fut fait Archeuesque de Rouen, le Chapitres'opposa à la prise de possession faite par procureur, de laquelle il se desista apres que ledit Sieur eut promis par lettres qu'il resideroit pour la pluspart du temps. Tant estoit ceste Eglise, comme elle est encore desireuse de voir la face de son pasteur.

Or nous croyons que nostre exemption, est la premiere, ou bien vne des premieres qui ayent esté concedées aux Chapitres.

Le motif de l'impetration d'icelle, fut que Philippes d'Alençon, lors Archeuesque, & neveu du Roy Philippes de Valloys, à cause de son frere Charles de Valloys, homme de grand sçauoir, qui fut Cardinal, & Patriarche de Ierusalem, estant retourné de la Court ou il estoit trop souuent, comme il s'ingera de visiter, il trouua empeschement & opposition, soustenant le Chapitre n'auoir iamais esté visité, & que la visite, comme toute loy humaine se pouuoit prescrire. Philippes se voyant contredit assigna le Chapitre, non au Conseil du Roy ou il auoit prou de credit, comme Prince, ny à vne Cour de Parlement, mais en Auignon deuant le Pape Urbain cinquième en l'an 1369. Le procez y fut con-

testé d'une part , & d'autre : mais *inter moras*, le Pape Urbain mourut en l'an 1371. auquel succeda Gregoire II. qui auoit esté grand Archediacre en ceste Eglise , lors que Clement sixième son oncle estoit Archeuesque. Ou nous noterons en passant que ceste Eglise a esté honoree de trois grands personnages tous parens , & portans le nom de Pierre Roger , de la maison de Beaufort en Limosin. Sçauoir est ledit Clement sixième Archeuesque : ledit Gregoire II. grand Archediacre , & vn autre Pierre surnommé de la monstre , qui d'Archeuesque de Narbonne , deuint Cardinal & Archeuesque de Rouen en l'an nul trois cens soixante & quinze , & succeda audit Philippes d'Alençon, duquel Pierre, Ouufrius parle en ceste façon, *Petrus indicis Lemouicensis consobrinus Gregorij vndecimi, ex Archiepiscopo Narbonensi Cardinalis tituli Sancta Mariae Noue factus est Archiepiscopus Rothomagensis anno 1375.* Ceste exemption, donc fut impetrée, comme dit est dudit Gregoire à l'instance de Charles 5. Roy de France, amateur & bien-faicteur de ceste Eglise, duquel vne partie du corps est enterré au milieu de nostre cœur sous vne tombe de Marbre noir. Ensuit la bulle.

*Gregorius seruus seruorum Dei ad perpetuam rei memoriam, &c. Sedis Apost. circum. specta benignitas vobis*



Catholicorum principium quos habet in charissimos filios, in his præsertim quæ a deuotionis feruore prodire cernuntur, in diuinorum obsequiorum augmentum prospiciant, consuevit annuere gratiose, vt ipsi eo feruentius se in bonis operibus exercent, quo in illis per dictæ sedis clementiam gratiosius fuerint exaudiri. Sane charissimus in Christo filius noster Carolus Rex Francorum illustris, nobis significare curauit quod ad Ecclesiam Rothomagensẽ specialem gerit deuotionis affectum & apud ipsam sui corporis vel cum Apostolicæ sedis licentia perpetuam proponit eligere sepulturam: speratque prout optat in ipsa Ecclesia diuina Officia eo deuotius & quietius maioreque clericorum numero celebrari, quo ipsi clerici & personæ ecclesiasticæ in ipsa commorantes ecclesia & in posterum moraturæ pluribus fuerint priuilegiis communiti. Nos igitur qui vbique, præsertim in ipsa ecclesia quæ grandi præpollet priuilegio dignitatis & in qua olim nos in minori- bus constituti Archidiaconalem obtinuimus dignitatem, diuinum cultum, quietis pulchritudinem & deuotionis feruorem intensius desideris affectamus, præfati Regis supplicationibus inclinati, Statuimus quod Archiepiscopus Rothomagensis existens pro tempore in quosuis ecclesiæ canonicos & alias personas in ipsa quascunque dignitates personatus aut officia pro tempore obtinuerint, necnon capellanos vicarios & quoscunque alios in numero quantocunque in ipsa ecclesia beneficiatos, seu alios de choro eiusdem ecclesiæ vsque ad centenarium numerum existentes, &c. nullam iurisdictionem spirituales, civilem vel criminales etiam ratione delicti aut contractus vel rei de qua agatur, valeat exercere, &c. Volumus autem decernimus ac statuimus quod præfatum capitulum in decanum dictæ ecclesiæ, ipse vero Decanus & capitulum eodem decano præsentem, & ipso absente ipsum capitulum, soli & insolidum habeant & libere exercent omnimodam iu-



iurisdictionem tam in ciuilibus quam in criminalibus in omnes  
 & singulos canonicos ecclesie supradictae, &c. Ad hæc vo-  
 lumus & ordinamus quod appellationes si quas a quibuscum-  
 que grauaminibus & interlocutoriis ac definitiuis sententiis,  
 per dictos decanum & capitulum coniunctim vel diuim de  
 causis in quibus ad ipsos spectabit cognitio inferendis, aut  
 proferendis interponi contigerit, ad Romanum pontificem  
 duntaxat vel legatum dictæ sedis, si tunc erit in illis partibus  
 appellatur, &c. Archiepiscopus quoque Rothomagensis pro  
 tempore existens electionem decani confirmet vel in firmet: ac  
 plenam & liberam iurisdictionem (saluis præmissis) in  
 prefatum capitulum habeat, ut id tanquam corpus retineat.  
 Ita tamen quod postquam capitulum visitauerit semel, donec  
 prius visitauerit totam prouinciam, ipsam non valeat visitare.  
 Ceterum volumus & auctoritate prædicta decernimus quod  
 omnia & singula supradicta perpetuo obseruentur. Nonob-  
 stantibus quod super ipsis aut eorum aliquo in Romana cu-  
 ria lis vertatur, &c. Et ordinatione felicitis recordationis  
 Urbani Pape 5. predecessoris nostri super his aut eorum  
 aliquo facta. Datum Anione 4. Calend. Nouem. pontifica-  
 tus nostri anno primo.

Par la fin de ceste bulle on voit qu'il y auoit  
 procez meu deuant le Pape Urbain 5. Et  
 quant au dabte, l'an premier du pontificat  
 dudit Gregoire tombe en l'an 1371. auquel  
 mourut ledit Urbain son predecesseur im-  
 mediat.

Or pour entrer au fonds de la matiere, il  
 conuient scauoir quelle iurisdiction est lais-  
 see a Messieurs les Archeuesques, posée la.

dite exemption, secondement & en consequence, en quoy doit consister leur visite.

Il semble a voir que le Pape Gregoire leur laisse vne iurisdiction ample par ces mots, *Plenam iurisdictionem in prefatum capitulum habeat*. Mais ceste generalité est restrainte par ces deux mots *Saluis premisis*: il aura pleine & libre iurisdiction sur le Chapitre, sauf ce que nous auons donné par priuilege à iceluy: qui est, que l'Archeuesque n'aura aucune iurisdiction spirituelle ciuile ny criminelle, ne pourra cognoistre d'aucun delict, ne pourra donner aucune sentence pour le ciuil ne criminel, ne pourra vser de Censures contre ledit Chapitre, ne pourra emprisonner. Au contraire aura ledit Chapitre toute sorte de iurisdiction sur tous & vn chacun des chanoines & chapelains: & en cas d'appel, il ressortira en court de Rome ou deuant le Legat du Saint Siege: si ce n'est que pour esuiter la longueur & les fraiz ils conuienaient d'arbitres, voire mesme de leur Archeuesque. Tellement que la iurisdiction qui est laissée par la bulle ausdicts sieurs Archeuesques est bien peu de chose, & ne consiste que a vne seule remonstrance. Car quant aux mots de *plenam iurisdictionem* ils sont prins comme parlent les Philosophes *extensiuè & non in-*



*sensuè*, en la façon qu'ils se trouuent au Chap.  
*Romana de censibus* : ou la glose explicant ces  
 mots *visitabit plenè id est, singulas parochias*. Et  
 qu'il ne faille entendre par ceste iurisdiction  
 que vne remonstrance, on le peut recueillir  
 par ces mots de la bulle, *ut id tamquam corpus*  
*retineat*, pour retèner le corps qui est le  
 Chapitre avec son chef l'Archeuesque.  
*Potestne autem ex cogitari instrumentum efficax, ad*  
*retinendam multitudinem verbo Dei*? Si l'eloquence  
 humaine a eu de si beaux effets, que de faire  
 assembler en societé les hommes viuans par-  
 my les champs & deserts comme bestes, & les  
 induire a bastir Villes & Citez, faire Loix &  
 Ordonnances, combien fera plus forte la pa-  
 role de Dieu, manice dextrement par les  
 Prelats, laquelle comme dit Saint Paul pe-  
 netre au plus profond des cœurs & des pen-  
 sées, pour y produire de merueilleux & in-  
 croyables effets? Les Theologienstiennent  
 qu'il y a deux sortes de iurisdiction, l'vne  
 coerciue ou punitiue, l'autre directiue.  
 Quant a la punitiue Messieurs Archeues-  
 ques ne l'ont, comme nous l'auons monsté:  
 & de cela n'en sommes point en different. Il  
 ne leur reste donc que la directiue qui con-  
 siste a faire remonstrance. Et à ce propos a  
 fort bien dit vn ancien Pere, que comme le



berger des Ouailles brutes a deux instrumens pour les gouverner, la Houlette & la Fleute. La Houlette par laquelle il jette vne mote ou vne pierre aux moutons qui s'escartent pour les faire retourner avec les autres: & la Fleute par laquelle il les conduit ioyeusement tantost par les montagnes, tantost par les vallees. Ainsi a le Pasteur des Ouailles raisonnables ses deux instrumens, la iurisdiction punitive qui represente la Houlette, & la directiue signifiee par la Fleute. De là s'ensuit que les Sieurs Archeuesques de Rouen n'ont que vne iurisdiction directiue consistant en la seule remonstrance. Et quoy ! dira quelqu'un, que seruira donc ceste iurisdiction concedee par ceste bulle aux sieurs Archeuesques s'il n'y a coercion ou correction ? *Iurisdiction* (dit la Loy fin. *de officio eius cu. iurisdictione mandata est*) *sine modica coercionem nulla est.* Et au chap. *pastoralis de officio & potestate iudic. de leg. Iurisdiction illa nullius videtur esse momenti, si coercionem non habeat.* Respon-  
 se. On voit par la bulle que le Pape oste aux Sieurs Archeuesques la correction sur tous & en particulier par ceste parenthese *saluis præmissis*, comme nous auons dit. Quand aux deux textes alleguez maintenant, ils s'entendent quand la iurisdiction n'est diuisee

comm' elle est ici, mais est donnee a vn seul iuge. Et ne faut pas pourtant entendre le chap. *pastoralis* cōme si la iurisdiction ne pouuoit estre sans correction. Ainsi l'abien remarqué Panorme sur le texte ou il dit. *Aduer-  
te quòd textus non dicit quòd iurisdictione semper habeat  
coercionem, sed quod nullius esset effectus sine aliqua  
coercione.* D'auantage nous disons que la remon-  
strance que font Messieurs les Arche-  
uesques en la visite capitulaire, *parua & modica  
quedam coercio est, dum proponunt nunc dura nunc mol-  
lia. Maior autem coercio consistit in pœnis grauioribus  
quales sunt censura canonica carcer, &c.*

Or qu'elle est la iurisdiction telle doit estre la visitation, qui est vn acte & vn effet d'icelle. Et si la iurisdiction ne passe point plus auant que vne remonstrance, la visite ne peut aller plus outre: car iamais l'eau ne monte plus haut que sa source. Et de fait, comme il se peut voir audit chap. *Romana.* La visite ne consiste que en deux poincts, sçauoir est en la correction de mœurs & a proposer la parole de Dieu qui doit marcher la premiere selon les termes dudit chap. qui ensuiuent, *visitaturus primum proponat ver-  
bum dei, quærat de vita & conuersatione ministrantium  
absque coactione iuramenti, ad ipsam emendationem, per  
salutaria monita nunc lenia nunc aspera.* Ceste visite  
donc



donc ne peut estre que exhortatiue. En la  
 conference que nous eusmes avec Monsei-  
 gneur le Cardinal au mois de Ianuier der-  
 nier, il recogneut comme dit est, qu'il n'auoit  
 aucune iurisdiction punitive sur les particu-  
 liers mais bien sur le general. A quoy fut  
 respondu qu'il ne l'auoit n'y sur le general  
 n'y sur le particulier : mais que nous auons  
 l'un & l'autre *intensue & extensue* par ces mots  
 de la bulle, *habebit capitulum omnimodam iurisdic-  
 tionem in omnes & singulos*. Et comment le Cha-  
 pitre l'a il sur tout le general ? par statuts &  
 Ordonnances qu'il fait aux Chapitres gene-  
 raux, lesquels obligent les chanoines & cha-  
 pelains en general & en particulier a les gar-  
 der & obseruer. Que si on replique pour-  
 quoy Messieurs les Archeuesques n'auront  
 ils le mesme pouuoir de faire statuts ? Re-  
 sponce que lesdits sieurs n'ont que vne iu-  
 risdiction simple & nuë qui ne donne iamais  
 pouuoir de faire statuts n'y ordōnāces cōme  
 le tient Panorme sur le Chap. *Cum consuetudinis,  
 de consuetudine*. Oū il rend ceste raison. *Nam statuta  
 sunt certa & perpetua, iurisdiction autem seu exercitium illius  
 variatur ex tempore*. A quoy se rapporte le dire  
 notable de Barthole sur la Loy, *Omnes populi de  
 Iust. & iure. quod potestas habens arbitrium imponendi pœ-  
 nam, non potest a principio per sua statuta declarare pœnam*



*quia cum ista recipiant veritatem ex tempore, & conditione personarum, non debet fieri declaratio ante tempus.* Il s'en suit donc par ce qui vient d'estre dit que la iurisdiction que ladite bulle baille a Monseigneur le Cardinal estant seulement nuë, ne luy donne aucun pouuoir de faire statuts. Tellement que la consequence n'est pas bonne, il peut visiter ergo il a puissance de faire statuts. Car comme tient le mesme Panorme au lieu susdit, *potestas faciendi statuta est quid magis arduum & separatum ab exercitio nuda iurisdictionis.*

Et afin de mettre Messieurs les Archeuesques hors de peine de faire statuts, outre le pouuoir qu'ils en auoient, le Pape Innocent 8. leur en a donné vn autre pouuoir au Chap. de Rouen en l'an 1489. par bulle expresse en ces termes. *Innocentius seruus seruorum dei, &c. Statuimus & ordinamus quod decanus & canonici consuetudines & statuta quaecumque, prout iuxta conditiones & statuta temporum ac alias predictę ecclesię & illius personarum felicistatu & salutari directione ipsis visum fuerit mutare, corrigere ampliare, minuire interpretari & in totum tollere, ac alia de nouo salubria & vtilia facere & edere valeant, que inuiolabiliter debeant obseruari.* Voila le pouuoir donné au Chapitre outre son exemptiõ, de changer, corriger, interpreter, modifier & augmenter leurs statuts approuuez du Pape Urbain 5. susdit, & d'en faire d'autres si besoin est a leur Chapitre general. Dont s'ensuit que

quand la bulle d'exemption eust donné puissance par paroles expressees a mōdit Seigneur le Cardinal de faire Statuts, si n'en pouuoit-il faire sans nous, attendu le pouuoir a nous donné cy dessus par le Pape Innocent 8.

Mais voyons maintenant cōme Messieurs les Archeuesques se sont cōportez en leurs visites depuis l'exemption conccedee. *Est enim consuetudo optima legis interpret.* Quand à Philippes d'Alençon avec lequel elle auoit esté disputee en iugement contradictoire, voyant que par icelle il luy estoit resté si peu de iurisdiction, il ne se formaliza jamais de visiter, combien que il ayt vescu quatre ans apres ledit priuilege obtenu. Guillaume d'Estouteuille Cardinal & Archeuesque, de la liberalité duquel ceste Eglise a de tres-belles marques, voulant visiter toute la Prouince de Normendie, obtint bulle du Pape Nicolas, par laquelle il dōnoit pouuoir aux Euesques de Dol, Nantes, & Verselles lesquels l'assistoient, de paracheuer ladite visite Prouinciale au cas que ledit sieur n'y peust satisfaire. Il commença donc sadite visite par son Chapitre le 6 de Septembre 1464. par laquelle on cognoistra qu'il n'eut que vne iurisdiction directiue & exhortatiue. Il proposa premieremēt la parole de Dieu & print pour



theme l'Epistre du Dimanche courant *In Charitate Radicati & fundati*. Sur lequel apres s'estre estendu assez long-temps, il alla visiter le Saint Sacrement de l'Eucharistie & les Reliques qui estoient en la Sacristie: puis r'entra dans le Chapitre ou il fist plusieurs interrogatoires: sçauoir s'ils faisoient bien & deuëment le seruice diuin, si attentiuemēt & pausément. Et apres plusieurs autres demandes leur dist qu'ils estoient bons & sages, & qu'il se raportoit a eux de tout ce que dessus & mesmes de corriger les delinquans. Il remet le reste de sa visite au l'endemain 7. de Septēbre ou entré derechef au Chapitre, fut requis par le Doyen s'il entendoit preiudicier aucunement a leur exemption. Lequel declara que non & qu'il vouloit demeurer auec eux en bonne concorde & charité fraternelle. Voila le sommaire de sa visite en laquelle il ne parla iamais de faire statuts.

Depuis ledit Sieur Cardinal Destouteuille, autres Archeuesques n'ont visité que Monseigneur le Cardinal de Ioyeuse. Lequel entra le iour de Iuin dernier en son Chap. & vfa seulement d'un exhortation a la façon dudit Seigneur Destouteuille. Mais estant persuadé par aucuns des siens long-temps apres la dite visite, de laisser quelque marque auten-



tique de ceste solennelle action, il fist les pretendus statuts dont il est question, lesquels il n'a peu faire ainsi que nous auons verifié cy deuant & le monstrerons encor cy apres.

Mais posons le cas qu'il en ait peu faire durant le cours de sa visite, il est certain que icelle finie & paracheuee son pouuoir est expiré. C'est vn acte continu & non interrompu. Mondit Seigneur entra au Chapitre comme dit est, apres auoir visité le Saint Sacrement, la Sacristie & les Chappelles qui sont à l'entour du dedans de ladite Eglise. Audit Chapitre il fist vne remōstrance dont le sommaire est, que estant le plus ancien Cardinal du Saint Siege & le plus ancien Archeuesque, Dieu luy auoit fait la grace de penser a sa conscience & de s'aquiter de sa charge: que pour venir visiter ceste Eglise il auoit quitté la Court & ses propres affaires: qu'il loüoit Dieu de n'auoir receu aucunes plaintes d'aucuns de la cōpagnie, laquelle il admonestoit de continuer à bien faire: qu'ils deuoient recognoistre qu'elle estoit leur institution: sçauoir d'estre le Senat del' Archeuesque & les Apostres de la Prouince: qu'il ne desiroit rien plus que se voir vny avec eux en bonne paix & concorde comme le chef avec le corps: que leur fonction prin-

cipale estoit de servir Dieu & assister au diuin  
 seruice, les exhortant finalement de ce faire,  
 de chanter & psalmodier posément : comme  
 aussi de garder & observer les statuts. Ce fut  
 la fin & dernier periode de sa visite, ou il ne  
 parla aucunement de faire statuts. Et qui plus  
 est ceste visite fut suiuite & couuerte d'autres  
 qu'il fist en plusieurs parroisses tant de la vil-  
 le que du diocese: laquelle paracheuee il alla  
 en Cour , d'où il ne retourna qu'au mois  
 d'Octobre : sur la fin duquel il s'aduisa de fai-  
 re les pretendus statuts dont est question,  
 cinq mois apres la visite capitulaire finie.  
 Voila donc vne seconde nullité, que lesdits  
 statuts ont esté faits au temps que son pou-  
 uoir estoit expiré. *Philippus probus* sur le Chap.  
*Romana* tient que le Prelat commence sa visite  
*per ingressum ecclesie*, & la finit *per exitum eiusdem*:  
 & que selon les decrets *per exitum videtur renun-*  
*tiasse visitationi illius anni*. Et Panorme *ad Cap. Cum*  
*apostol. extra de censibus*, dit bien que le Prelat  
 n'ayant eu assez de temps pour accomplir la  
 visite d'une Eglise, *potest ex causa rationabili redire*  
*ad locum visitatum*. Mais que sans y retourner  
 pour y pouruoir *in rem presentem, presentibus au-*  
*ditisque quorum interest*, hors le lieu & l'acte de vi-  
 sitation, apres tant de temps escoulé, & tant  
 d'autres Eglises visitees, faire ces statuts,



*raret exemplo & iuris dispositione, estant indubitabile  
que semel functus officio desinit esse index.*

En la conference que nous eusmes avec Mondit Seigneur au moys de Ianuier, on nous objecta que on ne luy auoit monstré les statuts de l'Eglise, ainsi que veut & enioint le Concile Prouincial de Rouen dernier. A quoy fut respondu, qu'il ne les auoit demandez que long temps apres la visite faite, qu'il n'en auoit parlé en chapitre lors de sa remonstrance, mais auoit bien exhorté à les garder. Et quant au Concile de Rouen, qu'il y auoit 30. ans qu'il auoit esté publié, mais que messieurs les Prelats de la Prouincel'auoyent laissé sans execution : & alors luy fut remonstré que puisque il auoit tant d'affection de statuer & ordonner, qu'il ne scauroit faire acte plus necessaire & d'ou il pourroit tirer vne loüange immortelle, que d'assembler derechef messieurs ses suffragans, afin que *coniunctis animis & viribus*, ils executassent ce Concile, y adioustant tout ce que ils verroyent estre digne de reformation en tout le general de la prouince sans s'acheurter comme il a fait, a son Chapitre seul, auquel il a recogneu n'y auoir rien a reformer. De quoy font vncertain tesmoignage les statuts dont est question fondez pour la pluspart

comme dit est, sur choses imaginaires.

D'avantage que la clause dudit Concile prouincial de monstrier les statuts des Eglises Cathedrales, aux Euesques de la prouince, ne se pouuoit entendre que de ceux qui n'auoyent c'est honneur d'estre chanoines, comme est l'Archeuesque de Rouen, lequel apres auoir fait serment d'Archeuesque, reuestu de l'habit de chanoine, prend vne autre possession de la prebende annexee avec l'Archeuesché, ou iure solennellement, qu'il gardera & obseruera les statuts de ladite Eglise. Partant de les demander maintenant, Monseigneur se feroit tort, attendu qu'il les deuoit demander a voir auant le serment par luy fait de les garder, *voluntas enim non fertur in incognitum*, comme parlent les Philosophes. Et de fait luy fut dit que il les trouueroit en ses archives avec tous les autres tiltres, qui luy ont esté laissez de ses predecesseurs.

Mais quelle consequence est-ce que on veut tirer icy d'une façon extraordinaire, vous ne m'avez pas monstrez vos statuts, *ergo* i'en peux faire hors le cours de ma visite. La dialectique n'a point encor cogneu de telles illations.

Et pour reuenir a ce priuilege que ont Messieurs les Archeuesques d'estre chanoines



nes de l'Eglise, les fondateurs d'icelle l'ont ainsi voulu & desiré, afin que ils eussent plus d'occasion d'aymer les chanoines comme leurs confreres. Quand le berger se veut bien faire aymer de son troupeau, il se reueist de mesme pareure & de leurs peaux : aussi messieurs les Archeuesques se voyans reuestus de l'habit de chanoines sont excitez de leur porter autant pour le moins de charité, que fait le berger a l'endroit de ses ouailles. Voila quant a la seconde nullité qui prouue que Monseigneur n'a peu faire statuts hors sa visite.

La 3. est que lesdits statuts sont faits non seulement *extra tempus visitationis* mais *extra diocesim*, qui fait qu'ils sont du tout nuls, Car comme dit la Loy vlt. de ff. *de iurisdictione omnium iudicum*: *Extra territorium ius dicenti impune non paretur*: conformément a plusieurs canons du decret. 7. quest. 1. cano. placuit. & 9. quest. 2. cano. *Episcopum*, & *duobus sequentibus*, & glosa in *elementinam vnicam*, de *forè competenti*. *Quantum ad exercitium iurisdictionis, redigitur Episcopus ad instar privati, postquam suam diocesim egressus est*. Ratio est, quia *iurisdictionis* coheret loco siue territorio. Il est vray qu'il y a vne exception quand l'acte se fait de *consensu partium*. Or il est certain que Gaillon ou ils ont esté faits, est du diocese d'Eureux & non de Rouen. Gaillon di-

sons nous, qui est vn lieu fatal & funeste a ceste Eglise, pour estre vn obstacle & empeschement a messieurs les Archeuesques de resider, comme l'auoit bien preueu & predict ce grand Cardinal & Legat Georges d'Amboise, qui le fist bastir somptueux & magnifique comme il est, plus digne d'un Roy que d'un Prelat. Car ainsi que escrit Robert Cenalis Euesque d'Auranches en sa hierarchie de Normendie, comme ledit Sieur Legat se sentit proche de la mort, se repentit amerement & avec larmes d'auoir basti ce Palais, de l'argent duquel il eust peu construire plusieurs Hospitaux, Conuents, Colleges, & Seminaires, preuoyant que ce seroit vn iour la ruine de l'Eglise de Rouen. Aussi il semble que Dieu ait monstré par plusieurs signes de feu, de foudres & tempestes, qui y arriuent de temps en temps, qu'il n'a ce lieu pour agreable. Et c'est pourquoy Georges d'Amboise nepueu dudit Sieur Legat, qui succeda au nom, a la vertu & a la dignité, se souuenant des larmes de son oncle, faisoit sa demeure a Deuille lieu plaisant & agreable, distant vn quart de lieuë dudit Rouen, maintenant delaisé & abandonné.

Ensuit la 4. nullité quant à la forme, laquelle se peut considerer sans parler de l'exem-



ption, & en laissant Monseigneur en sa plaine auctorité & iurisdiction ordinaire.

Il est tout constant qu'il n'a peu faire ces statuts sans le conseil & consentement du Chapitre, sur peine de nullité. Le Chapitre. *Novit & Quanto de his quæ sunt a prælato sine consensu capituli*, y est formel. Le Patriarche de Ierusalem auoit institué & destitué des Abbeses & autres personnes Ecclesiastiques, sans le conseil & consentement de son Chapitre, le Pape Alexandre 3. luy mande que telles institutions & destitutions estoient du tout nulles & sans aucune force n'y valeur: adioustant qu'il ne pouuoit ignorer que les chanoines estoient ses freres: qu'il estoit le chef & eux le corps, & que ayant prins vn conseil estranger en postposant celuy qui luy estoit comme naturel a traiter des affaires de l'Eglise, il auoit fait contre l'honnesteté & l'institution des saints peres. Par la on peut voir clairement que les chanoines & chapitres des Eglises cathedrales sont chose ancienne & de grande auctorité: ce que nous toucherons ici en peu de mots, en faueur de ceux qui pensent que leur antiquité & autorité ne se peut tirer de si loin. Nous ne parlons point des mots de chanoines & chapitre, mais de la chose signifiée, qui est aussi ancienne que la

dignité d'Euesque. Laquelle a tousiours eu des prestres & gens d'Eglise pour son conseil. Du commencement ils furent appelez prestres, & la compagnie d'iceux *presbyterium*. Depuis ils furent appelez *clerici* & le nom collectif *clerus*, ou *collegium sacerdotum*. Apres ils furent appelez *Canonici* ou si nous voulons croire *Turrianus* *κοινοί* c'est à dire viuans en commun. Et si ceste etymologie est veritable, il fera facile d'acorder ceste distinction de seculiers & reguliers ( qui semble ridicule a beaucoub ) en disant, viuans en commun seculiers n'ayans fait aucuns vœux, & viuans en commun reguliers, ayans fait profession des trois vœux. L'antiquité donc des chanoines est du temps des Apostres, ainsi que remarque S. Hierosime disant: *Ab Apostolorum temporibus communi presbyterorum consilio regebantur ecclesie*. Auquel lieu par ce mot de *presbyterorum*, faut entendre l'Euesque & autres prestres qui luy seruoient de conseil, & estoient sous sa iurisdiction. Car pour lors ce mot de *presbyter*, estoit commun aux vns & aux autres. Saint Clement disciple de Saint Pierre, au liure 2. des constitutions Apostoliques chap. 28. dit, *presbyteri sunt Episcoporum consilarij & senatus ecclesie*. Et S. Ignace disciple de S. Iean, en l'Epistre *ad Tralianos* en dit autant, appellant les prestres



le consistoire & Senat des Euesques, venant de l'institution de Dieu. Voila donc l'antiquité des chanoines rapportee au temps des Apostres & l'autorité de mesme qui estoit de seruir de Conseil aux Euesques. Cela est confirme par saint Cyprian martyr en l'Epistre 10. du 4. liure ou il recommande au Clergé de Carthage, vn prestre *Numidicus*, qu'il desire y estre enrollé, *ut mecum sedeat*, dit-il : c'est à dire pour estre mon conseiller & assesseur. Et quand les Euesques par succession de temps, ont voulu mespriser ce conseil, duquel ils ne s'en seruoient que *ad honores*, cōme plusieurs font encores aujourd'huy, l'Eglise a restraint & bridé leur puissance qui surpassoit les bornes posees par les Apostres, tellement qu'elle a ordonné que l'Euesque qui iugeroit vne cause sans y appeller son clergé, la sentēce seroit nulle & de nulle valeur. Ce qui fut arresté au Concile 4. de Carthage, ou assista S. Augustin. *Episcopus*, dit le Canon, *nullas causas audiat, sine presentia clericorum suorum, alioqui sententia irrita erit.* Ou il faut noter en passant que les Euesques pour lors & long temps apres, faisoient toutes fonctions qui sont aujourd'huy departies a plusieurs personnes. Ils iugeoient les causes eux-mesmes : ils faisoient les predications eux-mesmes, ils

oyoyent les confessions eux-mesmes. Mais comme les richesses de l'Eglise furent accreuës & augmentees, ils se dechargerent des fonctions precedentes sur autres personnes, & mirent leur principal soin au manimēt du tēporel. Chose que déplorait S. Cyprian dès son temps mesme disant, *Episcpi diuina procuratione contempta, procuratores rerum temporalium sunt.* Et S. Bernard long temps apres disoit, *Satis habent ad manum Episcepi quibus committant curas animarum, sed quibus bursam, non satis fideles inueniunt.* Pour reprendre le fil de nostre propos, les Euesques vendoyent & alienoyent le temporel de l'Eglise, sans y appeller les Chapitres, l'Eglise voyant cela, a ordonné que telles alienations ne vaudroyent rien, & n'auroyent aucun effet, sans leur conseil & consentement.

Les Euesques vnissoient les benefices *ſpretis capitulis*, l'Eglise a cassé telles vnions ou le consentement desdits Chapitres ne seroit interuenu, ainsi qu'il se peut voir au chap. *pastoral. de donat. & cap. sicut vnire, de excessibus pralat.* chose qu'à voulu faire ces mois derniers Monsieur le Cardinal. Et a laquelle nous formasmes opposition en ceste Cour de Parlement.

Les Archeuesques conuoquoyent les



Conciles prouinciaux *sans y appeller les Chapitres* des Eglises Cathedrales, l'Eglise a ordonné qu'ils y fussent appelez *cap. Et si membra. de his que sunt a praelato sine consensu capit.*

Les Euesques faisoient statuts & Ordonnances & y obligeoyent tous ceux de leur diocese, l'Eglise a ordonné que tels statuts ne seroyent vallables si ceux qui y auoyent interest n'y estoient appelez. Le chap. *vestra de locato & conducto* y est exprez : ou l'Euesque de Lysieux auoit fait vn statut, par lequel il deffendoit a tous beneficiez de son diocese, de ne bailler a ferme leurs dismes a autres qu'à gens d'Eglise. L'abbesse de Preaux audit diocese se trouuant interessée par ce statut, s'en plaint au Pape qui luy rescript que le statut ne valoit rien puisque ellen'y auoit esté appelée: & Innocentius sur le commentaire de ce Chapitre qui depuis fut appelé *Lumen de iuris* & deuint Pape 4. de ce nom, tient qu'il faut que vn statut pour obliger soit fait du consentement de ceux qui y ont interest ou pour le moins qu'ils y soyent presens.

Les Conciles deffendent aux Euesques de faire Seminaires sans en prendre l'aduís & le conseil des Chapitres, par ce qu'on a veu par experience que quand ils ont esté dressez *illis inconsultis* tout s'en est allé en fumée.

Et pour le faire court, de tout ces textes cy dessus alleguez, les docteurs de droit canon, ont tiré vne maxime generale que l'Euesque ne peut rien faire sans le consentement de son Chapitre, en ce principalement qui touche le bien & l'honneur commun a l'vn & a l'autre. Panorme in cap. *auditis de prescript.* Dont resulte que Monseigneur le Cardinal n'a peu faire statuts n'y Ordonnances sans son Chapitre: & que par consequent ceux qu'il a faits demeurent nuls & de nul effet.

A tout ce que dessus on a repliqué en la conference, que quand l'Euesque fait la visite, il n'est tenu de prendre n'y l'aduis ny le consentement de son Chapitre. A quoy fut respondu sur le champ, que ceste exception ne pouuoit seruir de rien en c'est endroit, pour deux raisons, l'une que les statuts contentieux n'auoyent esté faits en la visite, mais hors icelle comme nous l'auons monsté, l'autre que pour verifiser leur dire il ne trouueroient iamais, ny Loy, ny Canon, ny Decret, ny Decretale, ny constitution ny paragraphe. Voila la Loy generale, l'Euesque ne peut faire statuts ou il s'agist principalement des affaires communes entre luy & ses chanoines, sans leur consentement.

Ce pre-



Ce precepte est negatif & partant emporte son obligation en tout temps. Et quoy? L'Euesque en visitant sera ce vn chef sans son corps; sera-il sans son conseil, que Dieu luy a ordonné. *Nunquid poterit caput dicere pedibus; opera vestra non indigeo;* disoit S. Paul? Le chef qui est l'Euesque pourra-il dire a ses membres qui sont les chanoines ie n'ay que faire de vous? ie me passeray bien de vous? Ce seroit vn monstre. Les chapitres *Nonit & quanto*, cy deuant alleguez y sont du tout contraires. Où il faut qu'en la visite l'Euesque prenne conseil on non. S'il n'en prend point, il contreuiendra au precepte du sage. *ne imitaris prudentie tue. & ne sis sapiens apud te ipsum.* L'empereur Antonin disoit bien a son Senat, messieurs il vaut beaucoup mieux que moy qui suis seul, suyue vostre conseil qui estes plusieurs, & tous sages, que vous suyviez le mië. L'empereur Severe est louë de n'auoir iamais fait Loy n'y constitution, qu'il ne print premierement l'aduis de 20. des plus grands & excellens Iurifconsultes, qu'il pouuoit trouuer, auxquels il faisoit escrire & soubserire leurs opinions en particulier.

*Tant & molis erat Romanam condere legem.* Que si l'Euesque prend le Conseil d'estrangers, comme a fait Monseigneur a faire ces pretendus

statuts, en postposant celuy de son Eglise, il cōtreuient selon ledit chapitre *Novit*, a l'honnesteté & à l'institutiō des saints Peres. Il est quelques fois dangereux en affaires de consequence d'vser de son conseil domestique, qui est le plus souuent plain de flaterie & de crainte de desplaire. Et a ce propos Saint Bernard escriuoit que le plus grand mal que souffrent les grands, est celuy de costé. *Illis enim latera dolent*, c'est a dire ceux qui les assistent les perdent. Que si l'Euesque n'estoit tenu de suyure le conseil de son Chapitre durant sa visite, il attendroit a grand souhait, s'il estoit porté au mal, ce temps pour faire toutes ordonnances a son plaisir, introduire toutes coustumes a son plaisir, renuer ser tout a son plaisir. Il est bien vray que il y a certain cas ou l'Euesque peut corriger nonobstant l'exemption, comme quand vn chanoine devient heretique, *cap. ad Abolendam. de hereticis*. Secondement quand le chapitre se rendroit nonchalant de punir les criminels, en ce cas l'Euesque luy peut prescrire vn temps pour faire la punition, lequel passé, il peut vser de censures contre les delinquans par le chap. *Irrefragabili. de offi. indic. ordin.* Tiercement quand il y auroit quelque criminel notoire, qui eust des parens audit chapitre, l'Euesque en peut



faire la correction comme tient Panorme sur le chapitre susdit *Quanto*. Et c'est parauenture pourquoy le Concile de Trente en la session fixième canon 4. ordonne que l'Euesque visitera & corrigera seul, ou bien avec ceux qu'il voudra eslire, mais il ne parle pas de faire statuts, ou il se faut seoir, deliberer, concerter & disputer avec ceux qui ont interest en l'affaire, & qui representent la posterité qui y est obligee en leurs personnes: sans le conseil & consentement desquels l'acte demeure nul. Et pour le regard de ce canon susdit du concile de Trente, qui ordōne que l'Euesque visitera & corrigera les personnes nonobstāt les exemptions: toutes fois & quantes qu'il a esté parlé de la reception dudit Concile és assemblees du clergé tenus en ce Royaume depuis soixante ans, les chapitres de France ont tousiours remonstré, que ledit canon auoit esté fait en supposant que les elections des prelates seroient remises aux chapitres, & que lors que cela seroit & qu'ils verroient les Euesques prins de leurs compagnies, ils se submettoient volontiers a leur iurisdiction & correction. Car il est difficile de bien & deuēment commander a ceux qui n'ont point appris d'obeyr, & n'ont esté nourris en la discipline de l'Eglise. Cause

pour laquelle en l'an 1605, comme l'assemblée du clergé eut fait remonstrances au Roy par Monsieur l'Archeuesque de Vienne, & requis la publication dudit Concile, ce fut a condition expresse que ce seroit sans prejudice des immunitéz & exemptions concedees aux chapitres & cōmunautéz: a laquelle remonstrance assista mondit Seigneur le Cardinal. Et c'est aussi pourquoy les estats d'Orleans qui ont repris ce mesme canon dudit concile en l'article II. ont ordonné par article precedent que les Archeuesques & Euesques seroient faits par election dudit clergé, recognoissant tacitement que le dernier article dependoit du premier.

En la conference derniere on nous obiecta que l'Euesque n'estoit pas tousiours tenu d'attendre le consentement, mais seulement de prendre le conseil, lequel il n'estoit tenu de suivre. Nostre response fut, que ces mots de conseil & consentement estoient quelquesfois prins en droit l'un pour l'autre, mais n'antmoins qu'il falloit confesser que la ou le conseil est requis & n'est point demandé l'acte de foy est nul, comme il est quand le consentement n'y est interuenue. Par norme le tient ainsi sur le chapitre *cum inueteri. de electione*, disant, *vbi in actu requiritur consilium aliquorum, non*



*sufficit petere illud post actum deliberatum, sed in ipso tractatu actus debet consilium postulari. Et facit ad materiam Episcoporum, qui tenentur negotia ecclesie regulariter promouere cum consilio capituli. Debet enim consilium requiri in actu & non post actum: nec tenentur canonici precipitare responsum, sed possunt petere tempus ad deliberandum.*

Or en la confection de ces statuts Monseigneur le Cardinal n'a demandé au chapitre ny conseil ny consentement, comment donc pourrons nous estre contraincts a le receuoir? Enuiron la feste de Noel il nous fut présentée vn memoire de sa part, portant son intention, que nous eussions a corriger lesdits statuts: mais nous respondismes la maxime de droict, *de legibus oportet disputare antequam fiant non postquam sunt instituta*. D'auantage que par ceste demande il confesserait que nostre pouuoir seroit plus ample que le sien, *corriger enim superioris est*: si ce n'estoit qu'on voulust rapporter cela a la puissance que le Pape Innocent 8. nous a donnée, ainsi que dit est cy deuant, de casser & reprouuer tous statuts qui ne seroyent conformes aux nostres & n'auroyent empreinte la marque de verité.

Pour conclusion, nous croyons auoir suffisamment monstré que ces statuts n'ont aucune force n'y vertu pour nous obliger a les receuoir, a cause de tant de nullitez dont ils

sont remplis, & comblez. Nous sommes mar-  
ris qu'il faille que nous les mettions icy sur  
le bureau & facions voir a l'œil, que quand  
ils seront confiderez en la matiere & en leur  
particulier, ils pourront encor moins subsi-  
ster. Commençons donc.

## PREMIER STATUT.

*Cum in obeundo visitationis munere, ab ecclesia nostra  
initium duxerimus, servato iuris ordine, in ea sanctissimum  
Eucharistiæ Sacramentum primo visitavimus, quod asserva-  
batur in vasculo æneo, super altare maius appenso. Et quia  
parum conveniens hoc nobis visum est illius ecclesiæ dignitati,  
statuimus ut pro æneo sit argenteum, & sanctissimum Christi  
corpus in decentiori loco reponatur.*

A ceux qui regarderont superficiellement  
ces statuts, & les iugeront comme l'on dit sur  
letiquette du sac, ilssembleront fort specieux  
& beaux en apparence. Qu'ils soyent mon-  
streza a vne Sorbonne, elle les censurera en  
cette façon, *Hæc statuta ut iacent, sunt valde pia, sancta  
& iusta. Et qui ista non amplectitur, de ecclesiastica discipli-  
na parum pie sentire videtur.* Mais ceux qui les con-  
sidereront avec leurs circonstances & de-  
pendances, comme si celuy qui les a faits les  
a peu faire, s'ils contiennent verité, en iuge-  
ront tout autrement. Et pour commencer a



ce premier, il contient vne proposition particuliere & vne question de fait, de laquelle on ne peut iuger que par enqueste de ceux qui l'ont veu. La premiere proposition est que le Saint Sacrement de l'Eucharistie a esté trouué dans vne petite boüette d'airain: les Chanoines de Rouen sont cōtraints de dire, que ceste proposition est du tout fausse sous la correction de ceux qui ont donné aduis a Monseigneur, de coucher cela au commencement de ses ordonnances, qui donne occasion aux lecteurs de se donner garde du reste iusques a la fin. De la verité ou fausseté de ce, nous nous en rapportons au procez verbal de mondit Seigneur, qui contient ce qui s'ensuit. Nous auons trouué le S. Sacrement de l'Eucharistie enueloppé de corporaux, posez dās vne petite boüette d'argent, & ladite boüette dans vne coupe de cuyure doré. Y auoit-il suiet de faire ce statut qui diffame l'honneur de ceste Eglise & accuse les Chanoines d'indeuotion & d'irreuerēce, d'auoir mis le S. Sacrement dedans vne vase de cuiure, sans exprimer encor qu'il fut doré. Quant à la coupe qui se voit, il est certain qu'il y a enuiron 50. ans que elle estoit d'argent doré, mais pour autant qu'elle fut volée par les ennemis de la foy, ausquels il n'y a rien

si Saint qui ne soit violé, auxquels il n'y a rien  
 si seur qui ne soit pénétré, on la fit depuis de  
 cuyure doré ! Mais cependant on auoit suffi-  
 samment pourueu à la decence du Saint Sa-  
 crement, de l'auoir enueloppé dans des cor-  
 poraux & iceux enclos dans la boüette d'ar-  
 gent. Et par la coupe de cuyure on auoit  
 pourueu aux voleurs, afin que s'ils retour-  
 noient à commettre semblable sacrilege, ils  
 fussent deceus & frustrez de leur prise & at-  
 tente, trouuant du cuyure au lieu d'or. Tout  
 cela fut remonstré à Monseigneur lors de sa  
 visite, qui s'en contenta, mais d'autant qu'il  
 demeura cinq mois apres, à le rediger en la  
 forme que il est, il en perdit la souuenance,  
 en quoy il est excusable de son chef. En con-  
 ferant avec la reuerence de cest article au  
 mois de Ianuier dernier, recognoissant qu'il  
 n'auoit peu faire ces statuts, il nous dist que ce  
 n'estoit statut, non plus que les suyans,  
 mais correction seulement. A quoy fut  
 respondu que nous les appellions du nom  
 dont il les auoit baptisez, sçauoir *Statuta*,  
 & qu'ils estoient statuts en apparence,  
 desquels comme de toutes loix & constitu-  
 tions les actes sont, *Præcipere, prohibere, & permit-  
 tere*. Que en cest statut il y auoit vn praepte  
 de mettre le Sacrement dans vne boüette  
 d'ar-



d'argent: vne prohibition ou correction, de ne le mettre plus dans vn vase d'airain. D'ailleurs que les Conciles qui parlent du lieu decent pour mettre ledit saint Sacrement vsoient du mot de *Statuimus*, comme nous verrons cy apres. Il n'estoit dont besoin d'incider sur le mot de correction, sauf honneur & reuerence de mondit Seigneur.

Mais nous voulons que ce ne soient que corrections. Toute correction se doit faire sur quelque regle, de laquelle on se soit escarté, & à laquelle comme à l'esquierre il faut accommoder ce qui est desreglé. Si nous demandons, monstrez nous vn Concile, ou vn canon, ou vne constitution qui die qu'il faille mettre le corps de nostre Seigneur dans vn vase d'argent, il ne s'en trouuera. Le Concile de Tours mentionné aux œuvres de Burcard ordonne ce qui s'ensuit *Statuimus vt omnis presbyte, c'est à dire, tout Curé, habeat pixidem aut vas tanto Sacramento dignum, vbi corpus dominicum decenter recondatur ad viaticum recedentibus ab hoc seculo, semperque sit super altare obserata propter mures & nefarios homines*, il ne specifie de quelle matiere doit estre la boüette, laissant cela a la prudence des pasteurs. Le Concile de Latran ordonne que le Saint Sacrement & le Chresme se-  
roient gardez seurement sous la clef. Au

G

*Bib. f. ae Genovesa*

Concile de Paris tenu sous l'Euesque Odo, qui viuoit en l'an 1212. il est ordonné que la sainte Eucharistie sera portee aux malades dans vne petite boüette d'yuoire. Mais que dirõs nous de S. Exupere Euesque de Thouloze, qui portoit, comme dit saint Hierosme, le corps de nostre Seigneur aux malades, dans vn panier d'ozier, & le sang dans vne phiole de verre? Le docte Euesque d'Eureux Claude de Saintes en son liure de *Eucharistia*, parlant de la coustume des Eglises de France, dit ce que s'ensuit, *Nostra etate pixis vel nudum linteamen est quo hostia in turricula vel calicis effigie includuntur*, Il ne dit de quelle matiere. Quand donc la sainte Eucharistie eust esté enueloppee seulement des corporaux comme elle y est, & iceux sans boüette d'argent enclos dans vn vase de cuyure doré, *nihil erat quod mutari debisset*. Et quand il eust fallu changer, mondit Seigneur ne le pouuoit faire sans le conseil de son Chapitre. Car comme disent les canonistes, *Etiam in rebus indifferentibus*, comme il est icy, *perendum est consilium capituli*. Il est bien vray que nous sommes en vn temps, ou d'autant plus que ce saint Sacrement est indignement traicté, & blasphemé par les nouueaux Capernaïtes, d'autant plus les Recteurs & pasteurs doiuent soigner de leur part, qu'il soit



honoré & reueré sur toutes choses. Quant à le poser a vn lieu plus decent que a l'autel ou sur l'Autel, ou il est tous les iours consacré & offert, & ou assissent les Anges du Ciel tout a l'entour, cela ne peut estre. C'est la coustume de toutes les Eglises de France, qu'il n'est besoin de changer encor que ce que on apporteroit de nouveau semblast meilleur, comme nous deduirons cy apres plus amplement. Chacun iugera donc s'il y a apparence de nous vouloir faire condamner a garder ce statut qui est difamatoire de ceste Eglise & fait sur fausses expressions. Venons au second.

*Cum in eadem ecclesia diuinum officium aliquando tam precipiti celeritate decantari soleat, vt nec debitum obsequium persolui Deo, nec astantium mentes ad deuotionem excitari possint, Statuimus vt deinceps omnibus horis cantetur maiori cum affectione & reuerentia, vtque singula verba distinctè proferantur, ac medietates versuum obseruentur congruis intervallis..*

Il suffisoit a Monseigneur d'auoir touché cest article, en sa remonstrance capitulaire, ou il exhorta vn chacun d'assister au seruice en chantant pausément & attentiuelement sans le rediger par escrit, veu que ce sont fautes ordinaires, *sine quibus vita humana vix transigitur*, comme dit S. Augustin : que s'il arriue qu'il y ait de la precipitation, cela est incontinent

repris & blasmé par ceux ausquels appartient ceste charge. Or si on compare le seruice & la psalmodie qui se fait aux iours ouurables, avec celuy qui se fait aux iours solennels, le premier semblera estre hasté & precipité. Car s'il y a Eglise ou le seruice se face plus attentiuellement & pausément, la psalmodie se chante plus grauement & lentement és festes solennelles, c'est en celle cy, au raport de ceux qui l'ont experimenté. Nous recognoissons ce statut comme estant vne partie du nostre, qui ensuyt.

*Statuimus vt diuinum officium aptè & ordinatè & cum bona psalmodia fiat in choro nostro, competenter & tractim, & cum pausatione ad punctum decenti, nec incipiat pars altera chori versum, donec versus ex parte altera finiatur, teneaturque quantum fieri poterit psalmodia in eadem voce, qua incipitur: non nimis altè, sed in voce mediocri incipiatur: habita tamen differentia inter dies solemnes & profestos. Cantori succentori & eorum locum tenentibus firmiter precipimus, vt hoc faciant diligenter obseruari quibus & eorum cuilibet in predictis precipimus obedire. Et idem de cantu duximus etiam ordinandum. Et si sic predicti non obediunt in præmissis, per decanum & capitulum puniantur.* Voila ce statut fait par nos predecesseurs approuué par le Pape Urbain 5. a l'observation duquel on se range le plus qu'on peut.

*Comperimus etiam nonnulla mysteria in choro ecclesie representari solere, festis quibusdam solennioribus: vt in paschate trium mulierum quæ venerunt ad monumentum, & in*



*Epyphania, & in festo sanctorum innocentium & alia eiusmodi quæ ad augendam populi deuotionem introducta fuerunt. Sed quoniam irrepsērunt in eam consuetudinem pleraque vana & ludicra, non immeritò hæc sublata fuerunt in plerisque ecclesiis. Quamobrem Statuimus vt ista non fiant in posterum sed mente potius quam oculis, sacerdotes mysteria sancta venerentur & recolant.*

Nous repeterons icy ce que nous auons touché cy dessus, que Monseigneur a fait encor ce statut pour s'estre trop confié aux yeux d'autrui, en ce qui principalement meriteroit reformation en son Eglise, en laquelle il a deu cognoistre luy-mesme par ses yeux propres ce qui s'y fait. Nous disons en son Eglise, car és autres de son diocese il en peut estre informé par ses Archidiacres, comme le Pape est instruit par les Euesques des lieux. Mais de ce qui se fait aux Eglises ou ils hantent tous les iours, ils seroient marries de dire *ad aures nostras peruenit*. Il eust donc esté plus expedient que mondit Seigneur eust veu si ces misteres ridicules estoient, comme Dieu l'astraint a son exemple & autres Prelats & Iuges lors qu'il dit en Genese, *descendam & videbo*. Le Poëte payen disoit bien qu'il ny auoit homme qui cogneust mieux sa maison, qu'il faisoit le lieu où Mars estoit adoré.

*Nota magis nulli domus est sua, quàm mihi lucus Martis.*

Mais c'est vn malheur pour nous, que ceste Eglise son espouse, ne le voit que peu souuent. Cela est cause que ce statut comme les autres est plain de faits supposez: car ny au iour des Roys n'y a celuy des Innocents il ne se fait comme il ne s'est fait de memoire d'homme, aucunes representations. Et ceux qui ont veu ce statut, & cognoissent les v'sances de ceste Eglise, ont esté fort estonnez de voir ce diffame escript. Il y a enuiron 200. ans qu'il y auoit vne coustume abusive presque par toutes les Eglises de la France, qu'ils appelloient *Ludum fatuorum*: ou se faisoient vne infinité de profanations, les vns se reuestoient d'habits sacerdotaux, les autres se desguisoient en Roys, Ducs, & Contes: & faisoient danſes, banquets & vn monde d'insolences. Le bon homme Gerson s'en formalise fort, & proteste que les Roys meritoient autant d'extirper & banir c'est abus de la Chrestienté, qu'ils ne feroient de chasser l'heresie. En fin telles deprauations furent ostées au Concile de Basle, comme on peut voir en la session 21. Et peu de temps apres furent chassées de ceste Prouince, au Concile Prouincial qui fut tenu à Pinteruille pres Louuiers, par l'Archeuesque Rodolphe Roussel, en l'an 1445. en ces termes:



*Prohibet sancta Synodus ludos qui vulgariter fatuorum nuncupantur, qui sunt in ecclesiis & cœmeteriis, cum larvatis faciebus: cum tales ludi honestatem ecclesiasticam deturpent. Omnes & singulos qui secus habere presumpserint, ex communicationis sententie subiicimus, ac statuimus, quod si dicti presumptores distributiones aliquas in eisdem ecclesiis percipere sint soliti, illas per tres menses sequentes perdant, quæ inter alios honestos choristas diuidantur.*

Il ny a donc point d'apparence de nous vouloir contraindre d'oster vne coustume qui n'est plus il y a plus de 165. ans. Quant aux autres choses ridicules que le mesme statut suppose se faire au iour des Saints Innocents, cela ne fut non plus iamais en ceste Eglise, comme nous l'auons fait cognoistre a mondit Seigneur en la conference.

Nous n'ignorons qu'il n'y ait encor en quelques Eglises, voire cathedrales, vne coustume ou les enfans de chœur eslisent vn Euesque d'entr'eux. Mais en cela il n'y a aucun vicieux exemple.

*Molanus* au liure de *Canonicis*, soustient & defend ceste coustume: & dit l'auoir veu pratiquer a Cambray, ou l'enfant de chœur esleu Euesque, comme vn prebende vint a vaquer au mois de l'Archeuesque, l'enfant de chœur Euesque masqué la donna à son maistre de musique. Ce que ayant entendu l'Archeues-

que, la confirma audit maistre, auquel l'enfant l'auoit dōnce. Autrefois en France on se ferroit de ceste coustume par moquerie. Yues de Chartres escript en l'Epistre 68. que l'Euesché d'Orleans venant a vacquer, le Roy de France Philippes i. manda au chapitre qu'il vouloit qu'ils esleussent pour leur Euesque vn enfant, & ce au iour des Innocens, ce qui fut fait au mescontentement dudit chapitre, lequel en memoire de cet abus fit ce distique.

*Eligimus puerum puerorum festa colentes, Non nostrum morem, sed Regis iussa sequentes.*

Quant a la representation d'estrois Maries qui se fait les octaues de Pasque a la procession qui va aux fons, ce sont trois Chapelains reuestus d'aubes & d'amicts, deux desquels portent chacun vne petite boüette, où sont les saints huiles, & l'autre vn cierge allumé. Mais quel mal y a il là? Le Concile de Trente qui arrache beaucoup de coustumes abusives n'oste point les representations des mysteres, s'il ne s'y est coulé quelque chose de mauuais. Quel mal y a il icy? S. Augustin dōne vne regle qui nous apprend a retenir ou reiecter vne ceremonie disant, *Quod non est contra fidem neque contra bonos mores, & habet aliquid ad exhortationem pietatis, retinendum est.* Cecy n'est contre la foy,



foy, n'y contre les bonnes mœurs, excite la pieté du simple peuple, qui se souuient de ces trois Maries, qui eurent vn singulier amour vers nostre Seigneur, voire plus grand que n'eurent les Apostres: car elles ne l'abandonnerent iamais au plus fort de sa persecution. Ausquelles nostre Seigneur annonça sa resurrection les premieres. Tellement que cest exemple oculaire est comme vn liure ou lit le simple peuple. Nous disons le simple peuple: car c'est pour luy & non pour les Prestres, comme dit ce statut qui veut que *Sacerdotes mente recolant sacra mysteria*. Au reste Monseigneur considerera s'il luy plaist, que cecy est vne coustume ancienne, approuuee par tous ses deuanciers & pratquee par toute ceste prouince, qui meriteroit estre ostee par vn Concille prouincial, au cas qu'il y eust de la bus, & qu'il ne peut abolir sans nostre consentement, comme nous prouuerons plus amplement cy apres. Partant ce statut est du tout nul.

*Inter missarum solemnia dum Sacerdos sursum corda proclamat, distributiones manuales fieri solent canonicis, quæ illos non solum esse attentos: cui tunc monentur vigilantius incumbere. Statuimus igitur vt deinceps illæ distributiones non fiant, donec officium sit completum.*

Ce quatrième statut presuppose encores vne chose qui n'est, sauf la reuerence de Mon-

seigneur. Sçauoir que les distributions se font durant la preface de la Messe. Et si cela estoit arriué au distributeur, il en seroit griefuement repris & mulcté. Et de cela nous en rapportons a messieurs de la Court de Parlement & plusieurs autres personnes, qui honorent souuent ceste Eglise de leur presence & assistance au seruice diuin. La coustume est que durant le Credo & l'Offertoire les distributions se baillent. Nous auons fait cognoistre a Monseigneur en la conference, que la coustume de donner les distributions durant le seruice est pratiquée par toute la prouince, comme aussi Paris & presque en toute la France. Que nous auons vne particuliere consideration de les donner a ceste heure là, sçauoir est que ceux qui les ont fondez ont voulu que en les baillant à l'heure susdite, on dist sur le champ quelques suffrages a leur intention, comme *Requiescant in pace*, ou l'oraison *Inclina domine*, ou *Fidelium*, ou *O Cruc aue*, & pour ceux qui sont encores viuans, *Dominus conseruet eum*. Si on baille les distributions hors le seruice les fondateurs seront priuez de tels suffrages. Et seroyent aussi les Chanoines sacrileges & perfides. Perfides pour ne tenir pas la foy promise: & sacrileges pour prier les ames des trespassez des prie-



res qu'ils ont ordōnees par leurs fondations, par conuention faite avec le Chapitre. De les distribuer donc hors le chœur, & hors le seruice, il n'y a apparence. Car elles sont appellees manuelles pour estre baillees presentement, pour obuier à la fraude qui se pourroit faire. Et quant a ce que ce statut suppose que estant donnees à l'heure du seruice font perdre l'attention que chacun doit auoir lors, nous fismes voir aussi a mondit Seigneur que cela n'estoit, d'autant que *tam breuis tamque momentanea actio qualis est apertio & clausio manus impedire non potest attentionem*. Les Theologiẽs font vne question, si celuy qui prie Dieu en s'habillant, ou se peignant, ou lauant les mains, perd pour cela l'attention? Ils respondent que non pour estre telles actions frequentees & habituees. Les Religieux qui oyent lire la Bible durant le repas ne perdent l'attention. Toutes ces raisons considerees il sera aisẽ a iuger que ce statut ne peut subsister. Que si quelques vns s'en offensent apres auoir pesẽ les raisons cy dessus, en seront contens. Du commencement que les distributions furent inuentees en l'Eglise la plupart du mōde en murmuroit comme remarque le Docteur Nauarrus, disans que cela emportoit quelque espece de simonie: &

toutesfois apres que ceux qui s'en offensoient eurent ouy les raisons, sçauoir que celsdites distributiōs estant receuës non comme la premiere intention d'aller à l'Eglise pour les receuoir, furent contens. Vn Empereur voyant quelqu'un qui entré dans son Palais blasmoit tout ce qu'il y auoit & en iugeoit a l'auanture, luy dist, *Cum in domum alienam veneris surdus & mutus esto.* Monstrant par ce propos que on ne doit iuger legerement d'une chose sans premierement s'enquerir & informer comment & pourquoy elle a esté mise en auant.

Or auons nous vne puissante raison, pour monstrier ce statut du tout nul outre celles qui ont esté produites cy dessus. C'est que l'Euesque ne peut oster vne coustume de son Eglise sans l'expres consentement de son Chapitre. Panorme traite disertement ceste question en son conseil 67. ou il pose le fait qui s'ensuit. L'Euesque de Lucques auoit fait vn statut, portant que l'Abbé, le Preuost, l'Archidiacre & le benefice simple ne pouuoient estre absens de leurs charges plus de deux mois, sur peine de priuation. Il pose encores que le Chapitre de Lucques auoit vne coustume ancienne que leur reuenu se departiroit entre ceux qui auroient residé



toure l'annee. Que si leſdits reſidēs venoient a eſtre abſent troiſmois ſeulement, on ne leur diminuoit rien de leur part, ſi plus de trois, on leur rabbatoit au prorata, pourueu neantmoins qu'ils euſſent ſeruy ſix mois entiers, continus ou interrompus. Or il arriua que l'Eueſque priua deux Chanoines pour auoir eſté abſens quatre mois, ſçauoir ſi le pouuoit faire? Panorme reſpond que non, parce qu'il ne peut oſter la couſtume de l'Egliſe, ſans le conſentement dudit chapitre. Que le ſtatut fait par l'Eueſque ne pouuoit obliger les chanoines, pour n'auoir eſté preſens ny appelez a la confection d'iceluy. Que d'ailleurs les chanoines ne ſont tenus a reſidence, de couſtume ancienne approuuee par le droit. Voila la reſolution de Panorme, qui eſt conforme aux raiſons que nous auons alleguez ala 4. nullité de ces ſtatuts.

Et non ſeulement l'Eueſque ne peut oſter vne couſtume particuliere d'une Eglise comme dit eſt, mais auſſi de tout ſon diocèſe, quoy qu'elle ſoit contre le droit commun.

Aſor docte entre les P. P. Ieſuites poſe ce fait. Le droit commun veut qu'un chacun aſſiſte a la Meſſe les feſtes & dimenches en ſa parroiſſe. Si la couſtume eſt au contraire, qu'un chacun aille a la Meſſe indifferem-

ment ou il voudra. L'Euesque ne la peut  
 offer, voire quand il donneroit sentence  
 d'excōmunication aux contreuenans. Pour-  
 ce que ceste coustume estant raisonnable,  
*habet vim legis*. Il n'y a donc aucune apparence  
 que Monseigneur face tant d'instance a nous  
 faire contraindre de receuoir ce statut non  
 plus que tous les autres. A quoy nous ad-  
 iousterons que quand sa reuerence voudroit  
 offer vne coustume, pour y en mettre vn  
 autre en sa place qui semblast meilleure, elle  
 y doibt penser meurement. Durant le regne  
 de Henry 2. Roy de France, il y auoit alter-  
 cation entre le Doyen & les Chanoines de  
 Lyon, sur ce qu'ils auoyent vne *coustume*,  
 que durant l'esleuation du corps de nostre  
 Seigneur, ils se tenoyent debout en leur  
 chaires, la face tournée vers l'autel. Ceste  
 coustume semble de prime face pleine d'ir-  
 reuerence & de mauuais exemple, pour ceux  
 qui sont a genoux. Et n'y a point de doute  
 que ceux qui aymant a remuer mesnage sans  
 voir de loin la consequence des choses, ne  
 eriaissent *tolle, tolle*. Or la chose fut consignée  
 en l'arbitrage de ces deux grands Cardinaux  
 de bonne memoire, de Lorraine & de Tour-  
 non. Lesquels apres auoir consideré l'affaire  
 meurement & diligemment: & mesmes que



ceste Eglise de Lyon emporte celos sur toutes les autres, den'auoir iamais receu aucune nouueauté, ils ordonnerent que la coustume demeureroit, adioustant seulement que les Chanoines appuyez sur leur chaires comme dit est, enclineroyent leur testes le plus bas qu'ils pourroyent. Nous en auons vne pareille, pour la seconde eleuation. Il faut donc apporter vne grande prudence, quand il s'agist de changer quelque chose en l'Eglise. *Lasciuientia enim ingenia, (disoit vn Philosophe) nisi vel timoris vel modestie freno retineantur, mutandi finem nunquam facient. Est enim homo natura sua* αἰχρός καὶ φιλόκαινος *presentia fastidiens & nouitatis amans. Venons au dernier statut.*

*Sed quoniam horis Matutinis & Vespertinis missaeque solenni pauci canonici intersunt, quibus vt lucrentur distributiones, satis est si ingrediantur chorum, & mox egressi reuertuntur in domos suas, aut quod multo grauius est confabulantur in ecclesia extra chorum stantes vel deambulantes, hoc deinceps fieri modis omnibus prohibemus. Et sacrorum canonum decretis inherendo, statuimus vt nullus Canonicus habeatur presens, nisi chorum ingressus fuerit horis matutinis antequam absoluator Psalmus venite exultemus. In missa vero, antequam absoluator Kyrie eleyson & in vespertinis horis, antequam absoluator primus Psalmus.*

*Idem etiam censendum de his qui citra infirmitatis & necessitatis articulum egredi voluerint, antequam diuina terminentur officia. Nempe vt praesentes non habeantur qui stantes vel sedentes confabulari in ecclesia praesumpserint,*

*dum in choro celebratur officium, eos decernimus grauioribus  
poenis subiacere. Vt autem commodius hæc fieri possint, eligatur  
a capitulo notator absentium & garrulorum & manuales  
distributiones augeantur.*

Voila vn statut bien long, & qui contient assez de matiere pour en faire cinq ou six, ou il se trouuera autant à redire qu'aux autres. Nous l'examinerons par les parcelles.

Premierement en ce qu'il dit que aux Messes solennelles il assiste peu de Chanoines, Monseigneur nous pardonnera, si nous disons que cela est contre l'experience: car comme nous auons contesté cy deuant, il n'y a Eglise ou le seruice se face avec plus de frequence qu'aux iours & festes solennelles. Secondement de dire que les distributions se gagnent par les Chanoines en faisant seulement entrée au chœur, cela n'est pas tousiours vray. Car il y a des fondations qui se gagnent par ceux qui assisteront tout du long du seruice, les autres par ceux qui feront seulement entrée.

Que si on doute de la validite de ceste coustume, nous prendrons pour garands deux celebres Theologiens & canonistes, Le Cardinal de Turrecremata qui traicte le decret par questions & viuoit peu apres le Concile de Basse. Et Pierre de la Palu grand Schola-



Scholastique qui deuint Patriarche de Ierusalem. De Turcremata sur le canon *Si quis Clericus* de la distinction 92. fait ceste question. Que dirons nous du Chanoine, qui selon la coustume de l'Eglise, *non facit nisi intrare & exire, numquid in conscientia lucratur distributiones?* Il respond affirmatiuement & dit que si : & allegue Pierre de la Palu sur le quatrieme du Maistre des sentences, qui dit que le Chanoine qui sort auant la fin du seruice pour s'employer en œuvres loüables, gaigne en conscience ses distributions en recompensant par autre voye, mais s'il sort pour se donner du plaisir, comme pour aller aux jeux aux spectacles il ne les gaigne en conscience, combien qu'on ne les luy peut refuser les demandant. Secondement ce qu'il veut que personne ne gaigne lesdites distributions s'il n'entre dans le chœur, & s'il n'est present, est contre le droit commun, qui excepte beaucoup de personnes du seruice comme les malades & ceux qui sont employez pour les affaires de l'Eglise, *Cap. consuetud. de Clericis non res.* Les prelates qui assisterent au Concile de Constance ordonnerent que tous ceux qui estoient là non seulement perceuroient les fruiets de leurs benefices, mais aussi les distributions manuelles

qui se donnent aux presens. Comme ont ordonné de mesme messieurs les prelates qui ont assisté à plusieurs assemblées, tenus depuis 60. ans pour les affaires du Clergé. Et dit à ce propos de Turrecremata au lieu susdit, qu'il est raisonnable que ceux qui travaillent pour le public de l'Eglise, participent aux distributions manuelles, comme ils font aux spirituelles, c'est à dire aux prieres. Et allegue pour confirmation de son dire l'exemple de David au premier liure des Roys chapitre 30. qui fit vne ordonnāce que ceux qui gardoyēt le bagage durāt la guerre contre les Amalechites, auroyent autant que ceux qui aubient exposé leur vie au combat.

En l'Eglise de Rouen il y a vne loüable coustume en faueur des vieils Chanoines, que ceux qui ont attainit l'aage de 50. ans & ont esté 20. ans Chanoines perçoieuent les distributions de matines, qui sont le pain, encores qu'ils n'y assistent. Il y en a vn autre par laquelle les chanoines morts ou leurs heritiers, perçoieuent le gros de leur prebende vn an durant apres leur mort, & quelques obits : comme aussi la distribution manuelle de matines. De laquelle iouyssent aussi messieurs les Archeuesques en quelque part qu'ils soyent. Tout cela fut remonstré à



mondit Seigneur en la conference du mois de Ianuier. Et toutesfois il n'a laissé de nous pour suiure instamment & requis que nous fussions tenus de garder ce statut comme les precedents, sur peine de la saisie de nostre temporel. Tiercement en ce qu'il oblige tous les Chanoines d'assister à toutes les heures du iour depuis le matin iusques au soir, sans autre limitation que de l'article de necessité & infirmité. Cela est du tout contraire à ce que nous venons de dire, comme aussi contre tout droit & equité. Le Concile de Basle d'où est puisé vne partie de ce statut, ordonne que personne ne doit sortir du seruice, *sine licentia presidentis*. Sans qu'il s'informe s'il y a article de necessité ou infirmité. Et cela est conforme a nos statuts, qui deffendent de sortir sans le congé de celuy qui preside au chœur. Mais de ne sortir sans l'article de necessité ou infirmité cela est fort dur, & du tout inaudit. Monseigneur nous pardonnera si nous luy disons qu'il ne peut restraindre le droit commun à luy donner autres limitations que celles qui sont portées par iceluy, sçauoir, *Non egrediatur sine licentia presidentis*, & ne peut non plus retrancher n'y adiouster a nos statuts confirmez comme dit est par le saint Siege, lequel nous

en a donné ce pouuoir comme nous auons dit cy deuant.

Nous souhaiterions volontiers que Monseigneur eust assisté à toutes les heures du seruice qui se fait en ceste Eglise aux iours solennels vne seule fois: ou Matines durent quatre heures, la Messe trois, Vespres deux. Nous nous asseurons qu'il eust apporté plus de douceur a son statut qu'il n'a fait: & eust ressemblé aux commissaires de ceste court de parlement, qui furent enuoyez il y a enuiron 60. ans en l'Abbaye de S Michel, pour racourcir la portion des Religieux ainsi que le desiroit leur Abbé. Car apres auoir là esté quelque iours ils trouuerent vn air si desechant & penetrant, qu'ils mangeoyent là plus trois fois qu'ils ne faisoient à Rouen.

Cela fut cause que a leur retour tant s'en faut qu'ils conclussent à la diminution qu'ils furent d'aduis que on acreust la portion des Religieux. *Noli esse nimium iustus*, dit Salomon, conformément a la maxime, *Summum ius summa iniuria*. Et comme dit fort bien Panorme, *Nostra tempora non patiuntur rigorem antiquorum iurium quia nobis defecerunt vires corporis*. Et quoy? l'esprit d'un Chanoine fatigué d'une longueur & prolixité de seruice ne pourra-il sortir du chœur? la glose du chapitre 1. de la Clementine de Cele-



*bratione missarum*, exposant les paroles d'icelle, qui veulent qu'on ne sorte du seruice sans cause raisonnable dit, *causa rationabilis est quando nimis fatigatus est spiritus*, en rentrant toutesfois tost apres. Nostre Seigneur en l'Euangile reprend aigren. et les prelates des Iuifs, *qui iniungebant onera grauia & importabilia quæ digito mouere noluisse*. Nous adiousterons icy vn rare & admirable exemple du Cardinal Baromee, le miracle & ornement de ce siecle, le miroir & vray exemple des Prelats, qui assistoit a toutes les heures du iour. Car comme escrit de luy *L'anghegruchius in speculo*, appellé à la charge d'Archeuesque de Milan, fit en luy ceste resolution. Deuât que de corriger les autres, il faut que ie me corrige le premier: autrement toutes mes peines & labeurs & toutes les remonstrances que ie pourrois faire s'en iroient en vent & en fumee. Si ie suis plurier en benefices, comme pourray-ie induire voire contraindre ceux qui en ont plusieurs de n'en auoir que vn. Aussi n'auoit-il quel'Archeuesché de Milan avec vne pension du Pape Pie quint. Si ie ne reside sur mon benefice, comment pourray-ie dire a mes Curez, residez? Si ie ne suis le premier & le dernier à l'Eglise, comment pourray-ie dire à mes chanoines soyez assidus au seruice? Aussi il

y assistoit a toutes les heures , & outre cela, oyoit deux predications tous les iours. Vray moyen de profiter & d'engraisser le troupeau , quand celuy qui commande fait ce qu'il dit. Iules Cæsar est loué par les hystoires de ce que il ne dist iamais a les soldats allez , mais venez , suyuez moy. Et pour n'emprunter histoires des payens , n'auons nous pas la mesme chose en ce grand Capitaine Gedeon esleu de Dieu , pour affranchir son peuple de la tyrannie de ses ennemys ? faites disoit-il a ses soldats , tout ce que vous me verrez faire. Nous alleguons volontiers l'exemple de ce grand Cardinal , pource que Monseigneur nous a fait entendre plusieurs fois qu'il le vouloit ensuyure & imiter.

Pour respondre a ce statut qui parle de punir ceux qui se promenant dans l'Eglise durant le seruice , cela se fait, mais par ce que ceux qui ont baillé ces memoires à Monseigneur, ont veu les fautes, & ne voyent pas la correction d'icelles qui se fait en chapitre, ils ont ietté ce blasme sur nous. Nous dirons icy vne chose veritable qu'il n'est presque annee que nous n'obteniõs arrest de Messieurs de la Court de Parlement contre les pourmeneurs, portant peine contre iceux.

Quant a creer vn nouveau office qu'il ap-



pelle *Notatorem garrulorum & absentium*, Monseigneur a reconnu que cela auoit esté glissé dans ses Ordonnances sans son iceu. Aussi nous ne sommes point au temps de creer nouveaux officiers, il n'y en a que trop, comme nous remonstrasmes a mondit Seigneur, qui vouloit que nous fissions vn maistre des ceremonies, adioustant que nous n'aurions point de patience, avec luy, iusques a ce qu'il eust changé le seruice a sa volonté. Et que s'il vouloit annexer vne prebende a ce maistre des ceremonies *de eodem nostro consensu*, il le pouuoit faire & deschargeroit autant la dignité de châtre, auquel cela appartient. Mais qu'il n'en estoit de besoin attendu que les ceremonies de France, sont plus courtes que celles d'Italie. Et pour retourner a ce nouveau officier de *Notator garrulorum*, tout le monde aiugé & reconnu qu'il estoit plus propre aux escholiers d'une 7. classe que a vn Senat d'Archeuesque. Pour augmēter la distributiō il ne le peut faire non plus que les autres sans en auoir traité avec nous. Quant à ce que il ordōne que l'ō marque les absents du chœur hors le chœur, c'est chose qui ne se pratique en aucun lieu. Ceux qui ont fait & approuué nos statuts se sont cōtētez d'auoir posé vn distributeur, qui marque ceux qui sont absents

du chœur dedans le chœur. Et pour le regard de ceux qui se pourmenent dans la nef durant le seruice, nos statuts y ont pourueu qui veulent que le premier qui verra ceste faute arriuer, s'en plaigne en chapitre. Voila ce que nous auions à dire contre ces statuts, ou nous pensons auoir suffisamment monstre que si on les considere en la forme, où en la matiere, ils ne peuuent aucunement subsister, & ne pouuons par bonne consequence estre contrains a les receuoir.

Après ces statuts viennent quelques aduertissemens & admonitions de mondit Seigneur, que nous receuons d'une affection filiale, sur lesquelles nous faisons les remonstrances qui ensuyuent.

*Multos nouimus in eadem ecclesia esse canonicos incompatibilia beneficia possidentes, quibus animarum cura annexa est, absque dispensatione Romani pontificis: hos pro ratione pastoralis nostri officii monemus, ut saluti suae consulentes intra breue tempus aut dispensationem obtineant, aut alterutrum beneficiorum euerint.*

Nous remonstrons bien humblement à Monseigneur que c'estoit assez de l'aduertissement qu'il auoit donné sur celuy là, sans le mettre par escrit & faire cognoistre en public qu'il y auoit des chanoines qui tenoyent sans dispense plusieurs benefices incompatibles



tibles ayans charges d'ames. Nous sommes icy contrains d'escrire la responce que nous luy fismes. En premier lieu qu'il ne s'en trouuoit aucun qui eust plusieurs benefices incompatibles ayans charges d'ames, c'est a dire deux cures. Qu'ils recognoissoient que c'estoit vne chose reprouuee par les saints decrets sur les peines canoniques, aussi bien comme d'en auoir plusieurs avec dispense, *quorum vnum ad honestum vitam statum sufficit.* Que si Monseigneur entend vne Cure & vne prebende, on respond que du nombre de 50. il s'en trouuera peut estre huit ou neuf, pourueus d'une cure & prebende, qui setiennent valablement dispensez, comme ils ont fait voir aux sieurs les grands vicaires.

*Cum huius ecclesie Rothomagensis breuiarium in plerisque locis mendosum & minus correctum inueniatur, huic operi manum ad mouere cupientes, hortamur capitulum vt per viros idoneos innotescere faciat, quæ ad emendationem ipsius breuiarii magis necessaria videantur.*

De cet aduertissement nous tirons vne raison contre Monseigneur, que en recognoissant par iceluy qu'il ne peut reformer le breuiaire sans nous, il ne peut non plus faire statuts sans nostre aduis & consentement. Car *proboque par & eadem ratio est.*

Or nous nous estonnons encor comme il a permis ceste admonition nous estre signi-

fice par escrit, veu que nous luy auons fait entendre par tant de fois qu'il y auoit esté tra-uailié par ceux qu'il auoit luy mesmes depu-tez avec nous, desquels il nous a dit du de- puis, qu'il ne s'en contentoit, mais qu'il vou- loit faire venir des Docteurs d'Allemagne, qui entendissent fort bien l'hystoire. Mon- seigneur nous pardonnera, si nous luy disons qu'il contreuient en cela au precepte que donne Platon aux Citoyens de sa re publique, de n'aller mendier de l'eau chez les voisins, quand on en peut trouuer chez soy.

*Ceterum quæ in peragenda visitatione præcepimus canonici, vt nobis quam primum exhiberent statuta & privilegia sua quibus derogare per præmissa nequaquam intendimus, id cum hæcenus præstare neglexerint, mandamus iterum at- que præcipimus vt hæc inuncta sibi infra sex dies id im- pleant. Datum Galioni die 22. Octobris 1609.*

Fr. de Ioyeuse.

Quant aux statuts que mondit Seigneur demande, nous y auons respondu suffisam- ment, que nous auons tousiours creu qu'il les auoit par deuers luy, comme les ayant iu- rez à la prise de sa possession, comme aussi il à nos exemptions & priuileges qu'il a produit contre nous, en c'est arrest obtenu par sur- prise, sur vn default. Au reste nous luy prote- stons deuant Dieu, que nous sommes prests



de luy porter tout honneur reuerence & obedience, excepté en chose qu'il nous voudroit commander contre nostre dite exemption. Car lors nous n'y sommes tenus non plus que les autres communautéz exemptes de son diocese : mais en cela nous referons l'obedience que ailleurs nous luy deuons, au S. Siege, duquel sont emanez nosdits priuileges. Dont ne deuoyent estre ialoux messieurs les Prelats en ce temps principalement ou la puissance & l'autorité du Pape est esgalee & raualee au renc des simples Euesques par les ennemys de la foy. Et en cela nous sommes fondez en droit par le Chapitre, *Sane si episcopi & cap. Cum quorundam, de excessibus prælatorum.* Ou les Docteurs de droit canon tiennent que l'Euesque ne peut rien commander contre les priuileges du Saint Siege & ne sont tenus les priuilegiez d'obeyr voire mesme quand ils vseroyent de censures. A quoy nous adiousterons vn celebre arrest donné par la court de Parlemēt de Paris en l'an 1530. qui est rapporté par Chopin en son liure de *Sacrapolitia*. Ou sur ce que l'Euesque d'Angers vouloit contraindre son chapitre exempt, d'accepter les collations des prebendes qu'il leur enuoyoit pour receuoir les pourueus d'icelles, avec ceste clause, *Mandamus quatenus il-*

lan recipiait: la court ordonna que attendu que le chapitre estoit exempt, l'Euesque ne pouuoit dire *Mandamus*, mais au lieu diroit *Rogamus*. Aussi nous trouuons que messieurs nos Archeuesques ont vsé d'un mot equiualent *Requirimus*. Et n'y a que le Pape qui leur peut en cest endroit commander. Ce que nous prions Monseigneur vouloit trouuer bon & le prendre de bonne part, comme aussi les causes d'opposition que nous desdurons cy après.

## LES CAUSES D'OPPOSITION

contre les noualitez introduictes par  
mondit Sieur le Cardinal de Ioyeuse  
en la celebration du seruice diuin.

Tous ceux qui ont escript du gouuernement des republiques, ont donné aduis de ne rien changer n'y alterer principalement a leur cōmencemēt, iusques a ce qu'ils eussent cogneu l'humeur de ceux, auxquels ils veulent commander: autrement qu'ils feroient chose qui leur tourneroit a grād preiudice & quelquesfois a leur ruyne. Thucydide parlant d'Alcibiades, escript que ceux sont les plus sages, qui ne changent les coustumes receues combien que celles qu'ils voudroient



introduire leur semblaissent meilleures. Et Dion parlant de la vie d'Auguste, dit qu'il recommandoit sur tout de garder & obseruer les loix vne fois receuës. Car celles qui sont ia establies bien qu'elles semblaissent moins vtilles sont neantmoins plus vsitees, que celles qui sont nouvelles, quoy que meilleures. Et encores qu'il fallust venir au changement, il y faut toutesfois aller tout doucement, *vt quam minimo sonitu, orbis ille in republica conuertatur*, comme admonestoit Ciceron vn sien amy. A ceux-cy nous adiousterons le tesmoignage de Plutarque qui donne conseil a ceux qui sont appelez a quelque charge publique de ne remuer riens s'il faut remuer, iusques a ce qu'ils se soyent fait cognoistre & aymer, en ensuyuant le naturel du vin, lequel estant beu, est premierement vaincu & maistrisé par le naturel de celuy qui le boit: mais par apres venant peu a peu a eschauffer le corps & se mesler dedans les veines, il vient a se changer & transformer en soy.

Quelqu'un dira à quel propos tous ces exemples des payens pour regler messieurs les Prelats? Fort a propos & non sans exemples tirez de l'Escripture. Dieu commande en Ieremie aux Iuifs de faire comme faisoient les payens, qui gardoyent sans rien innouer,

leurs ceremonies payennes. Voyez dit-il les payens, s'ils ont rien changé ou alteré au Seruice qu'ils font a leurs Dieux: & mon peuple apporte changement a mon seruice. Nous disons donc que le Prelat doit imiter ces grands politiques au gouuernement de son troupeau, de se faire premierement connoistre par vne bonne & serieuse residence, puis apres il sera aymé: estant aymé s'il y a quelque chose a changer, il le fera aisément & assurement. Car comme escrit le susdit *Langhe Gruchius in Speculo*, il est impossible a vn Prelat de reformer sans resider, & c'est pourquoy le Concile de Trente auant que de parler de reformation, il a fondé & supposé la residence. Que si il est absent comment pourra-il faire obseruer ses ordonnances? C'est pourquoy le conte de la Mirande Picus auoit bonne raison de dire, que *non tam legibus quam legum vindicibus opus est.*

Ce grand Cardinal & Legat Georges d'Amboise, l'vn de nos Archeuesques, duquel la memoire ne perirai iamais, tandis que la Religion durera, est loüé & admiré des estrangers mesmes, de ce que nonobstant le grand pouuoir qu'il auoit en l'Eglise Gallicane, n'a rien voulu remuer non pas vne seule syllabe, de l'ordre & discipline qu'il



auoit trouué en son Eglise: se contentant de  
suyure la piste de ses deuanciers, desquels il  
disoit à la façon du Prophete Elye, *Non sum  
melior patribus meis.* Nous ne pensons point  
offenser Monseigneur le Cardinal nostre  
Archeuesque, si nous regrettons qu'il n'a  
suiuy ces exemples. Car il a voulu faire vn  
changement en ceste Eglise auant que de  
s'y faire cognoistre. Car quant a la residence  
qui est le vray moyen d'y paruenir, il n'en a  
eu le loisir pour les grandes affaires qui luy  
sont suruenues. On ne la veu icy que enui-  
ron 2. ou 3. moys durant 5. ans: & en ces trois  
moys on ne la veu entrer que six ou sept fois  
au chœur de ceste Eglise, sçauoir à quelques  
iours sollemnels, ou il a officié. Et à ces iours  
solemnels il a vsé d'une façon de Pontifier  
toute diuerse de celle de ses predecesseurs:  
lesquels n'auoyent iamais recogneu qu'une  
chaire pontificale, prez de la porte du  
chœur, du costé du midy. Et luy, outre celle  
là en fait dresser vne autre prez de la porte  
du chœur qui regarde le Septentrion, pres-  
que vis à vis de l'ancienne, sur vn theatre ou  
on monte a trois ou quatre degrez, couuerte  
d'un dé, que l'Italien appelle baldaquin. Sur  
lequel assis en sa chaire est assisté de ses Ar-  
chidiacres & autres personnes du chœur,

iufques au nombre de dixhuiét : & demeure là depuis le commencement de la Mefle iufques a l'offertoire qu'il va à l'autel.

Cefte façon de Pontifier n'eft ablafiner de foy aux lieux ou elle eft receuë, mais bien feante & conuenable a la dignité & maielté Epifcopale, qui a quelques-fois empraint vne terreur & espouuente aux plus furieux Empereurs: comme à Valent Arrien, quis'approchant vn iour de l'autel on facrifioit faint Basile, comme il le vit orné de fa thiare & reueftu de fes habits pontificaux, s'en alloit tomber de frayeur par terre, s'il n'eust esté promptement foustenu par les diaeres qui affistoyent à l'autel ce faint Prelat. Cela eft recité par faint Gregoire de Nazianse fon compagnon, au ferman funebre qu'il a fait d'iceluy. Cefte couftume comme nous auons dit n'eft a reietter aux lieux ou elle a fon cours, mais d'autant qu'elle eft toute nouuelle en France & incogneuë a nos deuanciers, nous auons fupplié & fupplions Monfeigneur de fe contenter de l'ancienne façon, pour les caufes que nous allegafmes à la conference & deduirons encor cy apres.

Les ceremonies vne fois eftablies loiables de foy, ne doiuent changer combien que celles qu'on veut introduire femblent meilleures,



leures, comme nous auons desia touché: autrement ce seroit tousiours à recommencer. C'est pourquoy les Payens leur ont donné l'epithete de *stata*, c'est à dire fermes, stables & immobiles: & ont esté les Iuifs comme aussi les Payens, si Religieux en l'observation d'icelles, qu'ils eussent mieux aymé mourir, que d'en laisser violer vne seule.

Nous auons dit les ceremonies vne fois establies: par ce que du commencement que on les plante, on en peut choisir & eslire de tous endroits, comme le Iardinier fait des plus belles greffes pour enter vne pepinière. C'est pourquoy quand saint Gregoire enuoya saint Augustin, moyne de saint Benoist, pour replanter la religion en Angleterre, il luy donne conseil de ne s'acommoder là aux ceremonies de Rome, mais qu'il en pouuoit prendre en France & par tout ailleurs, selon qu'il iugeroit estre plus propre à l'edification de ses Anglois.

Les Chanoines de l'Eglise de Chantres sont loüez, de ce que dernièrement comme monsieur leur Euesque voulut officier avec vne chappe Italienne, ils s'y opposerent, & a esté du depuis ce different vuidé par arbitres, comme nous auons desiré que la mesme chose se fist en ceste affaire, qui ne meritoit

estre desputée deuant vn si Auguste Conseil.

Nicephore recite d'vn Euesque Triphylinus, homme de grand sçauoir, lequel en plaine assemblée de prelatz monté en chaire pour en prescher l'Euangile, comme il eut vsé de *tolle lectum tuum*, pour *tolle grabatum tuum*, mots qui ne signifient qu'vne chose mesme, ce curieux changement fut si mal receu de l'assemblée, qu'on le fist descendre & luy fut la chaire interdite.

Saint Bernard en l'epistre aux Chanoines de Lyon, reprend fort tout changement en matiere de ceremonies, allegant ceste belle sentence. *Novitas in ritibus est mater temeritatis, soror superstitionis, filia leuitatis.* Car osté l'appetit de nouveauté, on ne verra n'y heresies n'y superstitions, n'y magies, n'y forcelleries: tout le monde sera constant en faits & en dits, & fera la broche couppée à beaucoup de procez & differents. Car comme dit le chap. *Cum consuetudinis*, de *consuetudine*. *Novitas est mater discordiarum.*

En ceremonies dit saint Augustin toute nouveauté apporte vn trouble, combien que elle semble auoir quelque vtilité. *Omnis mutatio sua nouitate perturbat, etiam si vtilitate iuuat*, comme nous voyons en ceste nouvelle façon de



Pontifier, où il faut dixhuiet personnes, ou a l'ancienne il n'en falloit que trois ou quatre.

Il y a vne forte raison pour s'abstenir de ceste façon nouuelle, qu'elle ne s'accorde aucunement à l'humeur du François, qui est simple, rōd, cādide, ouuert, sans fast, sans fard, & comme a remarqué vn Poëte de ce temps,

*Gaudet Gallica gens,*

*Simplicitate:*

*Et fastum tumidum*

*Horret & odit.*

Le mesme saint Augustin au troisieme liure de la doctrine Chrestienne chap. 13. charge d'ambition & presumption, celui qui passe les bornes de la coustume vne fois receuë entre ceux avec lesquels il conuerse, *In talibus*, dit-il, *non vsus rei, sed libido vtentis in culpa est.*

Toute action de soy indifferente, comme est celle cy, doit cesser selon le precepte de charité, quand elle offense le prochain. C'est pourquoy Saint Paul disoit, si pour manger de la chair ie scandalize mon prochain, ie n'en mangeray iamais. Si vn Romain venant en France vouloit manger de la chair aux iours des Rogations, comme on fait a Ro-

me, il pecheroit doublement. Premièrement en contreuenant à la coustume des lieux où il est, à laquelle il doit s'accommoder. Secondement en scandalisant le prochain. Et toutesfois il ne seroit excusé d'alleguer la coustume de Rome d'où il vient, L'exemple est tout de mesme icy.

On lit de Charles le Chauue, Roy de France, que retourné de Constantinoble, comme il voulut s'habiller à la Grecque, portant vne longue soutane & vne couronne de soye sur le Turban, il en fut mal voulu & hay de ses subiets, & principalement de sa noblesse. Voicy les termes dont vse Paul Emile, *Dalmaticam indutus, prodibat persæpe cum corona diademateque sericeo, cum veteres reges nihil a cæterorum ornatu differrent. Ita dum oculis hominum augustiorem se facit, pectoribus iniectus fuit.*

Monseigneur se pourra souuenir que peu apres sa prise de possession personnelle, comme il se fust fait faire vn theatre vis à vis de la chaire du predicateur où il estoit assis seul, cela fut trouué si estrange & de si mauuaise grace, que il s'en abstint du depuis.

Tout ce que on nous allegua icy en conferant fut, que ceste maniere de pontifier est prescrite par le rituel Romain. A quoy on respondit, que cela estoit bon pour Rome &



non pour la France. Que la coustume prescrit contre l'escriture, voire de telle façon, que quand le saint Siege eust fait vn decret, il y a quarante ou cinquante ans, de suyure ce formulaire sur peine d'excommunication, la coustume pratiquée au contraire, l'emporte & est la plus forte. Tout prouince abonde en son sens, dit S. Hierosme. Et le Canon, *In diuinis celebrandis seruanda est ecclesie cuiusque consuetudo*. Et S. Ambroise, *Cum fueris Romæ Romano viuunto more*. Et S. Augustin, *Gravis & prudens christianus id agat quod agere viderit ecclesiam, ad quamcunque deuenerit*.

Pour toutes ces raisons & plusieurs autres qui pourroient estre rapportees sur ce subiet, non croyons estre bien & deuëment fondez en nostre opposition, laquelle nous supplions Monseigneur nostre Archeuesque comme nous auons fait, ne trouuer mauuaise, mais de la prendre de bonne part, de son fidele Senat & tres-affectionné Chapitre.

F I N.



